

盡業記  
三四

青壯館全書  
三五

洞卷藏

共三十五









青莊館全書卷之五十六

查葉記目錄三

璿系諱

郭香察

博學鴻詞科

日本刀歌

拔都

巫女擲米

朱虛侯

古人勤學

原憲燕伋字子思

名画目

倡優吹指

扁桃

野合

揚雄非莽大夫

牖墉

海物肖人一體





詩人死後榮辱

徐寧武松

白起惡報

孔子聞孫

東坡體

棋檍非麒麟

崇禎皇帝四柱

喬

宋元通鑑

龍身

血流漂杵

高麗王冠

笑簞

釋奠倉頡

王文林

地肥

崇明老人

萬舞

朝鮮津率

毛奇齡駁忠臣



漸耳

人命八字

王維画石

重瞳

永樂大全

孟子異文逸句

四庫全書

棉

改撰宋史

諸葛武侯

甲申京師殉節



青莊館全書卷之五十六





青莊館全書卷之五十六

完山 李德懋 懋官

著

男光葵 奉杲 編輯

盜業記 三

德水 李晚秀 蕙隣 校訂

璿系諱

氏族源流

趙從耘著

載

璿系往往諱有異同今謹書于此○二世諱自

延

慶州金氏世系作子延

○四世諱光禧

禧一作喜

○五世諱立全

三重大臣司徒一云仕高麗

○九世諱光慶

世系作允慶或作充慶牧隱集作充慶

十三世諱珍有

世系作有珍甫尹追封戶長

○十四世宮進

戶長

○十六世諱隣

一作隣

郭香察



石墨鐫華

明起  
涇著

曰漢魏碑例不著書刻人姓名獨漢西

嶽華山廟碑題郭香察書為異洪适隸釋云東漢循王

莽禁無雙名郭香察書者察蒞他人之書又唐徐浩古

迹記以為蔡中郎書余案碑文云京兆尹勅監都水掾

霸陵杜遷市石

句

遣書佐新豐郭香察書為二事則洪

公言似亦有據青門集

邵長  
蘅著

曰洪适隸釋云郭香察書

者察蒞他人之書小歐陽以為郭香察所書非也明楊

文貞跋以為郭香書亦誤德懋案勅字遣字相應市石

察書相對則郭香與杜遷同一字名也



清既以外國入中國而明之遺民或有不甘心服者康熙  
慮其橫議煽動人心又或著書譏嘲設博學鴻詞科勒  
聚天下之宿儒取五十人而皆拜翰林院檢討以放之  
能得駕馭之術制科雜錄

毛奇齡著

曰康熙十七年

戊午吏部

奉上諭特開制科以天下才學官人文詞卓越才藻瑰  
麗者召試擢用備顧問著作之選名為博學鴻儒科敕  
內外大臣各薦舉來京先是二年間上厭薄八比已諭  
內三院九卿于甲辰丁未兩科改換策論著以經濟時  
務取士而廷臣狃于故習皆言古學不可猝辦仍暫用  
八比以俟徐復因特開是科次年三月初一日赴來體



仁閣下設高桌五十張每張設四高椅光祿寺設饌十  
二色大盃高攢值四百金先試一日上命內閣學士翰  
林院掌院擬題皆一文賦一詩高陽李師擬璿璣玉衡  
賦賦得雨中春樹萬人家寶坻杜師擬王者以天下為  
一家論省耕益都馮師擬十三經同異考耕籍內閣學  
士項公擬士先器識而後文藝論賦得春殿晴薰赤羽  
旗閣學李師擬岫嶠碑賁遠人向化歌掌院學士葉師  
擬珪璋特達賦三江九江考賦得龍池柳色雨中深上  
用高陽師賦題寶坻師詩題三相公暨掌院學士叅閱  
啓奏判作四等曰上上曰上曰中曰下定為五十卷上



上卷作二十作一等上卷三十作二等中下卷八作三等四等者總名為下第不填榜內上降旨取中人負俱為翰林官其杜越傅山王方穀等文學素著念其年邁從優加銜以示恩榮于是已仕者授講讀官坊編修等其未仕者概授檢討總充史館官纂修明史其杜越等俱授內閣中書聽其回籍後同籍五十人集于衆春園做題名古事各賦詩一首施愚山為之序

毛錄止此

余不見

金榜搜考諸書雜記于此只知彭孫通之為壯元彭孫

通

字駿孫海鹽人

順治已丑進士

施閏章

字尚白宣城人

湯斌

字孔伯睢州人

順治壬辰進士

汪琬

字茗文長洲人

秦松齡

字留仙無錫人

錢



中諧字官聲吳縣人黃與堅字庭表太倉人宋實穎字既

庭長洲人順曹禾字頌嘉江陰人喬萊字石林寶應人

方象瑛字渭仁遂安人王頊齡字顯士華亭人汪霖字東

川錢塘人康熙丁未進士王頊齡字顯士華亭人汪霖字東

熙丙辰進士毛奇齡字大可李因篤字子德允侗字長

人陳維崧字其年嚴繩孫字蓀友龐塏字雪崖汪楫字舟

次休寧人朱彝尊字錫鬯潘耒字次耕徐鉉字電菴李澄中

諸城人徐嘉炎字勝力陸業字義山邱象隨字李貞錢

金甫字楚江倪粲字闇公素佑字杜少高詠字阮懷范

必英字秋濤馮鼎字寅江王昊字惟夏鄧漢儀字季威

孫枝蔚字豹人傅山字青主李良年字武曾李來泰字石



臺臨川人順治壬辰進士吳元龍字長人華亭人張烈字武承大興人康熙缺缺

進士勵杜訥字近公海人李鎰字公凱山陽人吳任臣字志伊仁和人

凡五十人而王方穀字里不可考其餘五人又不能記

惟顧炎武以死自期終不與薦獨為完人魏禧以病辭

薦而為郡縣督迫就道病篤而歸卒抑亦炎武之次也

餘皆汚染失身而如毛奇齡之類全沒著恥如恐不及

陋不足誅穆堂李紱曰雍正十一年癸丑世宗皇帝特詔

開博學鴻詞科令在京三品以上大臣在外總督巡撫

會同學臣薦舉人品端純學問優贍之士以應御試蓋

自康熙己未召試垂六十年矣事嚴典曠中外相顧莫



敢先設踰年河東督臣舉一人直隸督臣舉二人他莫  
有舉者特旨切責又踰年太學士高安朱公舉四人今  
上登極再詔督促明年丁天下所舉士集闕下者百八  
十餘人天子臨軒親試之讀卷者猶持嚴重之意僅以  
十五卷上案此科取幾人不可攷余以為康熙時制科人皆生長  
於明時故俱是不臣不唯鴻博雖他科不試可也至若  
雍正乾隆時人皆生於明亡以後百年之中不可苛責  
也

日本刀歌

歐陽公日本刀歌有徐福行時書未焚逸書百篇今尚



存令嚴不許傳中國舉世無人識古文此不過詩人一  
時筆端之語因日本刀而發也非真有聞見紀案之實  
言也自古好奇之士必誦此詩以為日本真有古本楊  
升菴曰五代廣順中高麗進別叙孝經記孔子所生及  
弟子從學事又有孝經雌雄圖說日之環暈星之彗孛宋  
乾道中南詔使者見廣南人言其國有五經廣註春秋  
後語三史加註張孟押韻集聖歷諸書歐陽公日本刀  
歌云由此觀之則尚書全篇日本國尚有之也星湖  
僊說李漢撰曰日本刀歌恐傳聞之誤也其國所行之書  
往往得之至近時極欲誇張詞藻而猶不見古經之存



焉若或有之彼必不待求而銜售者久矣其令嚴不傳  
云者尤極可笑是甚謀計而若此之綢繆乎僊說所論  
可以打破千古疑窟然亦不必質責歐陽公傳聞之誤  
竟未覺得不過因刀琢詩而偶然引出古書未焚也青

泉申維翰之入日本也問雨森東

泉雨森姓東名日  
本對馬州書記曰

徐福入海在秦皇燔書之前故世傳日本有古文真本  
至今數千年其書不出於天下者何也東曰歐陽子亦  
有所言皆不近理聖賢經傳自是天地間至寶鬼神  
所不能秘故古文尚書或出於魯壁或見於舫頭日本  
雖在海中自有不得不出之理日本人心好夸耀若有



先聖遺籍獨藏於此而可作千萬歲奇貨則雖別五邦  
禁當不能遏其轉賣况初非設禁者乎日本人之言如  
是明白則是為公案恨不使中原人知此

### 拔都

輟耕錄

陶宗儀撰

中書丞相史忠武王天澤髭髯已白一朝

忽盡黑世皇見之驚問曰史拔都汝髯何乃更黑對曰  
臣用藥染之故也漢人賜名拔都者惟王與太師張獻  
武王弘範及真定新軍張萬戶興祖耳我

太祖殲倭首阿只拔都驟看之似是倭名然非也我國  
方言以小兒為阿只雲峯之役所馘之倭年甚冲稚而



勇敢絕人蓋高麗朕屬于胡元凡名號稱謂皆蒙古  
語故伊時倭酋以其年幼而為將領姓名官爵不可詳  
知漫稱阿只拔都但拔都之稱未知為何等而史天澤  
張弘範之屬得此號則乃是尊貴之稱猶我國之大監  
令監也

太祖又破女真人胡拔都

### 巫女擲米

我國巫女堆白米于盤中撮米小許擲之口誦呪而指  
頭辨米自言以知吉凶此俗亦有所由遼史正朔日上  
於窓間擲米團得隻數為不利未知米團為粉團之類



興

朱虛侯

城陽景王即漢宗室朱虛侯章也風俗通

應劭撰

曰自琅

邪青州六郡及渤海皆為章立祠惟樂安太守陳蕃濟

南相曹操一切禁絕後稍復如故五雜俎

謝肇淛撰

曰唐以

前崇奉朱虛侯劉章家祠戶禱若今之關王云然自壯

繆興而朱虛之神又安之也今世所崇奉正神尚有觀

音大士真武上帝碧霞元君三者與關壯繆香火相埒

婦人女子語以周公孔子或未必知而敬信四神無敢

有心非巷議者行且與天地俱悠久矣又曰關王自唐



以前未之有聞迨宋以鹽池一事遂著靈異德懋以為  
神不自靈依藉人心隨以盛衰誠篤則理具焉勢重則  
氣應焉自漢至唐家亡虔奉則自有靈驗如今日之關  
王而傳記不可攷然未虛之衷人心亦弛而神亦無靈  
關廟始盛公私之虔奉歲加日添其所靈應灼然可據  
者往往有之假令幾百年後虔奉始衰則神道亦歇又  
有繼起者如岳武穆之類其靈驗不下於關王矣李氏  
僊說曰祝允明關王廟記宋時追封武安王廟號義勇  
而道家又崇之為神君何關於清淨無為之道家而崇  
信至此意者修鍊之術必驅除鬼魅故然也明之追封



伏魔即其事也西國朱宗元之說最得其實宋之伏魔  
即以魔驅除也魔性本欲奉已故假古士名目現為神  
異使人仰望非真有關羽之神如此也

### 古人勤學

宋洪容齋邁手書資治通鑑凡三金宗室密國公琦讀  
資治通鑑三十餘過柳眉巖希春背誦朱子大全宋龜  
峯翼弼背誦朱子語類趙重峯憲大全語類俱背誦李  
榕村光地曰耜卿案耜卿梓村弟也能背誦十三經而解其義  
李牧堂絃曰馮夢颺歲讀十三經必數過鈔撮十七史  
盈百卷他墳籍稱是為文奇敏一日可得十數首以上



諸公雖有過人之才非勤何以得此至如金柏谷得臣  
讀伯夷傳一億一萬三千遍誠過矣雖多奚以哉尹者  
七十餘口誦綱目不錯一字

原憲燕及字子思

毛奇齡喪禮吾說篇辨檀弓子思之笑嫂也為位按史  
孔子世家孔子生鯉字伯魚伯魚生伋字子思子思生  
白字子上皆單傳者子思無兄焉得有嫂况自子上至  
孔鮒又五傳而始有鮒弟子襄為漢惠博士孔疏引孔  
氏連叢云一子相承以至九世是也皇氏疑此子思或  
是原憲字然當時但稱原思否則稱憲如論語原思為



之宰憲問恥并無補子思者即檀弓補原思亦但補憲  
如云仲憲言于曾子而凡補子思皆是孔伋德懋以為  
史記仲尼弟子列傳原思字子思又燕伋字子思以毛  
西河之博洽亦未之考歟

名畫目

輟耕錄畫十三科佛菩薩像玉帝君王道相金剛鬼神  
羅漢聖僧風雲龍虎宿世人物全境山林花竹翎毛野  
騾走獸人間動用畧畫樓臺一切旁生耕種機織雕嵌  
綠宣和畫譜叙論道釋人物宮室蕃族龍魚山水畜獸  
花鳥墨竹蔬果

藥品  
附錄

嘗閱古畫名目取為典雅清異



者畧依宣和所叙以資意見○石恪玉皇朝會○張圖  
紫微朝會○郭忠恕樓居仙○陸晃長生保命真君天  
曹解厄真君九天司命真君○孫知微李八百妹產黃  
庭經像彭祖禮北斗○武洞清侍香金童散花玉女○  
盛懋葛稚川移居○錢穀鍾馗移居○王維文殊不二○  
勾龍爽普陀觀音○李公麟長帶觀音華嚴變相憇寂  
○朱玉刼鉢○仇英揭鉢○薛素花裡觀音○司馬端  
衡傳燈○吳道玄孔雀明王等覺菩薩如意菩薩托塔  
天王護法天王請塔天王摩那龍王和修吉龍王跋難  
陀龍王德義伽龍王南方宝生如來北方妙聲如來○



楊庭元五秘密如來仁王菩薩長壽菩薩○辛澄不空  
釣菩薩寶檀花菩薩侍香菩薩獻花菩薩○王齊翰自  
在觀音岩居觀音○展子虔夏禹治水○衛協穆天子  
宴瑤池○韓滉克民孽壤○鄭法士明堂朝會○閻立  
德封禪○蔡邕講學○張僧繇孔子問禮○史藝屈原  
漁父○曹髦卞莊刺虎○戴逵列女仁智○李公麟孝  
經女孝經九歌石鼎聯句○戴逵十九首○史文敬西  
京賦○仇英上林賦○趙孟頫幽風○牛戩介葛盧○  
戴勃始皇東遊○史道碩王濬戈船○趙伯駒劉琨一  
錢○李唐虎溪三笑○梁楷羲之觀鵝○龔開孟浩然



詩意高馬小兒○錢選明皇擊梧桐朋甲○謝稚輕車  
迅邁○楊契丹長安車馬人物○姚雲度南朝貴戚○  
馬和之鴉奔鷄鳴風雨○米芾文德皇后遺履○周昉  
楊妃出浴○蘇軾自畫背面○尹繼昭雪宮○周文矩  
漢宮春曉○王蒙聽雨樓破牕風雨秋林書屋○倪瓚  
漁莊秋色○沈周雪館清話○唐寅水高午翠○文徵  
明松牕試筆○毛惠遠剡中溪谷村墟○陶弘景永嘉  
居邑○張擇端清明上河○閻立本異國闔寶○顧寶  
光高麗闔鴨○王喬旆林風俗○胡璫番部盜馬○孫  
位春龍起蟄○僧傳古滾霧戲波龍坐龍○董羽戰沙



龍○劉案羣鮑戲菱戲荇鱗魚○關仝側作泰山○荆  
浩楚山秋晚○燕肅楚江秋晚○王維秋林晚笛○郭  
熙樹色平遠○王詵烟江疊嶂○趙令穰秋村暮靄○  
黃公望春山欲雨○仇英海天落照○董其昌孤烟遠  
村○李唐雲川秋意○錢選竹深荷淨○李成秋山靜  
釣○許道寧秋江喚渡○李公年欲雨寒林日出長江  
疎林晚照○羅存秋江歸騎○祁序瀟湘逢故人○李  
贊華千角鹿○李公麟馬性○宗炳獅子擊象○王穀  
繡整獅貓○黃筌螭蛭戲貓○徐熙菟菜戲貓○趙士  
雷春岸初花○趙仲間翠竹新涼○趙仲佺飛鷺戲晴



○趙士腆寒禽畏雪○趙士雷雪汀百鴈○黃筌雪竹  
文禽紅蕉水鶴柘竹鷄子鴛鴦盆鵲鴿芙蓉鸚鵡萱草  
山鷓桃竹錦鷄○滕昌壯丹睡鵝拒霜花鴨苗香睡鵝  
○趙孝穎窺魚翠碧萱草紅額兒○趙仲任戎葵鶻燕  
○黃右宋海棠錦鷄水荭鷺鶻○徐熙紅藥石鵲○徐  
崇嗣海棠禽會○唐希雅雲竹噪禽○丘餘慶牽牛夾  
竹○文全紡竹○孫克弘朱竹

倡優改指

東國倡優作戲筋斗必屈指接唇而嘯其聲劃然蓋示  
中原之舊俗也急就篇

漢史游著

籛籛起居課後先顏師古



注箠吹鞭也箠吹簫也言督作之司吹鞭及竹簫為起居之節度又按其程課先者免罰後者徵責也今之伎倡欲相號令者則吹指為節蓋吹鞭之遺事也

### 匾桃

今校書館直廬有桃一株植于東墻下結匾窠如俗所謂窠數柿諺訓正故入稱柿桃而不知為異國珍品也  
酉陽雜俎唐段成式著曰匾桃出波斯國呼婆淡樹窠似桃子而形匾西域諸國并珍之

### 野合

禮記檀弓孔子少孤不知其墓鄭注父毋野合而生孔



子徵在恥不告

德懋案假使野合何關於父所葬而徵在恥不告於孔子鄭說點昧正義

曰按孔子世家叔梁紇與顏氏女野合而生孔子鄭用

世家之文故注言野合不備於禮也若論語云先進於

禮樂野人也及野哉由也非謂艸野而合也但徵在恥

其與夫不備禮為妻見孔子知禮故不告

德懋案徵在若知孔子之

知禮則左告其父墓使之行禮有何恥野合而不告正義說亦涉糺

言不知墓者謂不

委曲通知柩之所在不是全不知墓之去處其或出辭

入告總望本處而拜今將欲合葬須正知處所故云不

知其墓案家語云叔梁紇年餘七十無妻顏父有三女

謂其三女曰鄒大夫身長七尺武力絕倫年餘七十誰



能與之爲妻二女莫對徵在進曰從父所制將何問焉  
父曰即爾能矣遂妻之而生孔子三歲而叔梁紇卒王  
肅擬家語之文以爲禮記之妄又論語緯撰考云叔梁  
紇與徵在禱尼丘山感黑龍之精以生仲尼今鄭云野  
合於家語文義亦無殊何者七十之男始取徵在灼然  
不能備禮亦名野合又徵在幼少之女而嫁七十之夫  
是以著慙不能告子云云鄭與家語史記互悉符同王  
肅妄生疑難於義非也星湖李氏曰左傳嘉樂不野合  
史稱叔梁紇與顏氏野合而生孔子禱於尼丘也蓋禱  
祀而張樂於野也又曰檀弓孔子少孤不知其墓先儒



已疑之有一事可證中庸云所求乎子以事父未能也  
然則夫子既嘗事父矣又如孟子書有前以士後以大  
夫前以三鼎後以五鼎之說則是知孔孟皆非幼孤

楊雄非葬大夫

周亮工曰揚子雲投閣之事孫明復曰太玄一書乃明  
天人始終之理君臣上下之分蓋疾葬而作也王介甫  
諸家以年數考之謂子雲與奔不相及上符命投閣恐  
係谷子雲事龔登二有據李本寧在川西以此段刻之墨  
池上乃與同時意見不合後竟入彈章魏禮曰紫陽綱  
目書葬大夫揚雄死蓋舉褚淵馮道所未當加者而加



之按雄至京見成帝年四十餘矣自成帝建始改元至  
天鳳五年計五十二歲以五十二合四十餘已近百年  
則與所謂年七十一者相牴牾矣又考雄至京大司馬  
王音奇其文而音薨永始初年則雄來必在永始之前  
無疑然則謂雄為延平莽年者妄也雄郿縣人郿人簡  
紹芳辨証尤悉引桓譚新語云雄作甘泉賦一首夢腸  
出牧而內之明日遂卒而祠甘泉在永始四年去莽篡  
尚遠劇秦義新或出于谷子雲然考之法言云漢興二  
百一十載自高祖至平帝末蓋其數矣而謂雄卒永始  
亦未必然計雄之終或在平帝末則其年正七十餘矣

因雄歷成哀平故稱三世不徙官若復仕莽豈止三世  
哉又潛居錄謂雄賣文自贍文不虛義人多惡之及卒  
其怨家取法言為竄益云云馮元成以義新為劉棻作

### 牖牖

羣經別解

撰者

當考論語伯牛有疾子問之自牖執其手朱

子注引禮君視疾南面北牖之義殊屬苦心以予觀乎  
燕齊之俗人家土炕多近牕牖疑古亦然則問疾者不  
入戶自牖執手特常事甬不用辭費詮釋也金石文字  
記顧炎武撰唐上柱國任恭碑其文曰未掛東都之冠先覆  
北牖之首按論語伯牛有疾注禮病者居北牖下仁山



金氏曰牖字誤當作墉蓋室中北墉而南牖墉牆也德  
懋亦見中原室制北墉而南牖古制亦然則伯牛卧北  
而無牖孔子恐無自牖執手之勢也古制或北亦有牖  
歟

### 海物肖人一體

海物多有奇恠恠肖人一體餘鯢日䟽元凌蝮準撰蚌蜻似乎  
人首玄羅似人足戚車似男陽文鬻似女陰按戚車或  
是海蓼一號海男子者歟抑亦俗所謂五萬銅之別名  
歟文鬻或是紅鈴一號東海夫人者歟章舉之脚似痘  
兒指取譬極妙鬼鬻之匡具將軍面造化至巧吁亦異

哉

詩人死後榮辱

揆言

撰人當考

韋莊奏請追贈近代人不及第者孟郊李賀

皇甫松李羣玉陸龜蒙趙光遠李甘劉得仁陸達傅錫

平曾賈島劉稹圭顧郡孫沈珮顧蒙羅鄴方干諸人俱

無顯遇皆有奇才麗句清詞遍在時人之口衝冤抱恨

竟為冥路之塵伏乞追贈進士及第各贈補闕拾遺錢

謙益以為

孫規及第

齊東野語

周密撰

政和中大臣有不能詩者因

建言詩為元祐學術不可行時李彥章為中丞承望風

旨遂上章論淵明李杜而下皆貶之因抵黃張晁秦等



請為科禁何清源至修入令式諸士庶習詩賦者杖一百德懋以為詩人之死後榮辱一何相反一則衰世之彌文一則亡國之裨政天順七年會試貢院火舉子焚死者九十餘人上憐之賜死者俱進士此猶可慰冤死之幽冤以其被燒非自取也與我國儒生爭門而死有異焉

徐寧武松

三才圖會

王圻著

兵器類鉤鎌為徐寧所用鑑為秦叔宝

所用龍吒為馬標所用梅吒為黃山岳所用鋼鞭為尉遲敬德所用混天戟為李存孝所用潮壩陸次雲著雜記

武

林六和塔下舊有魯智深像今毀矣當日聽潮而圓應  
在此處進漉浦下有鐵嶺關說是宋江藏兵處有石門  
進者每為伏弩所射又國初江許人掘地得石碣題曰  
武松之墓當日進征清溪用兵於此裨乘所傳殆不盡  
誣也惟湧金門金華將軍人以為即張順歸神非是案  
宋江等三十六人姓名徃徃見於記宗之書而其事蹟  
不過水滸傳演義之言不足取信然三才圖會兵器皆  
宋用而載徐寧鈎鏹其前史所載許多名將共言之或  
水滸傳所稱以外別有徐寧鈎鏹可據之事而引入之  
歟荊州翠屏山刻潘金蓮像我國人亦有見之者此好



事者因水滸傳而為之焉魯智深像亦此類也至於武松之碣則真有其墓也

### 白起惡報

三代至于春秋用車戰其所殺人不過射其擊刺故不至伏屍百萬原野厭人之肉自秦上首功天下之人始遭殺運而以眇然之夫殺人之多當以白起為巨擘所謂輪回報應無之則已假令有之起之受報理固然矣

曠園雜誌

吳陳琰撰

曰遼東董某康熙初年任繁峙令嘗言

家居時鄰人宰猪褪毛見脇下秦將白起四字物理小

識

方以智撰

曰京師顯靈宮道士買一魚腹有秦白起妻字

余以為白起固有罪而其妻之受報於一千九百年之  
後者何也意者長平之役其妻贊成歟二書所撰吳陳  
琰方以智俱經術名儒其所記應不至孟浪吳方二人  
又記秦檜事有曰萬曆丙子京口鄔汝翼來杭見屠家  
宰猪毛盡腹有秦檜十世身五字其色紅

孔子聞孫

孔鮒孔子八世孫安國十二世孫融二十世孫穎達三  
十二世孫道輔四十九世孫

東坡體

東國詩人自高麗至我朝中葉習東坡體東人詩話



徐居正撰

高麗文士專尚東坡每及第榜出則人曰三十三

東坡出矣高元間宋使求詩學士權適贈詩曰蘇子文

章海外聞宋朝天子火其文文章可使為灰燼千古芳

名不可焚宋使歎服其尚東坡可知也香祖筆記王士禛著

余昔閱高麗史愛其臣金富軾之文又兄弟一名軾一

名轍疑其當宣和時去元祐未遠何以已竊取眉山二

公之名讀宦遊紀聞云徐兢以宣和六年使高麗密訪

其兄弟命名之意盖有所慕文章動蠻貊語不虛云

此則知余前疑不誤而是時中國方禁錮蘓黃文章字

畫豈不為島夷所笑哉有學集錢謙益著跋皇華集本朝侍

從之臣奉使高麗例有皇華集此則嘉靖十八年己亥  
上皇天上帝泰號皇祖皇考聖謚錫山華修撰察頒詔  
播諭而作也東國之體平行詞林諸公不惜貶調而就  
之以寓柔遠之意焉故絕少瑰麗之詞若陪臣篇什每  
二字含七字意如國內無戈坐一人者乃彼國所謂東  
坡體耳諸公勿其酬和可也愚竊中原人之侮朝鮮如  
朝鮮俗之賤庶人殊失大公之義然王士禎編感舊集  
而列清陰金先生於皇明遺民之間錢謙益跋高麗板  
柳文深許其尊正朔大一統之義此則可見中原人虛  
懷本色



麒麟非麒麟

東國人多以麒麟字命名者有之徃徃從俗麒麟作狻  
麟作獬大不可也麒麟瑞獸而似鹿故從鹿旁若從犬  
傍則是麒麟為似犬之獸耳狻獬二字自有別義案集  
韻汝南謂犬子為狻說文獬健也山海經依軹之山有  
獸焉狀如犬虎爪有甲名曰獬

崇禎皇帝四柱

生於立春後  
故從辛亥也

崇禎皇帝庚戌十二月二十四日卯時生四柱為辛亥  
庚寅乙未己卯若遇善推數者當問之剪髮冠錄撰人當攷李  
自成米脂人張獻忠膚施人俱生於萬曆三十四年後

四年明烈帝生綏寇紀畧

吳偉業撰

萬曆三十四年八月二

十一日丁巳李自成生

喬

我國有喬姓其音權億切

俗音引

善山有喬氏村蓋多士

夫字甚稀僻音亦詭異故人或嘲郭氏與喬同譜以其

音相近也亦以為東國初造之字非也案訂正篇海

張忻

撰喬音鳳五音正韻

米芾撰

喬古文鳳喬氏似不識喬字

之音義却是平常也

宋元通鑑

薛應旂宋元通鑑書某年月朱熹歸婺源拜省丘墓宗



族某年月岳珂程史成朱子之行藏出處有關世道若撮其大者書于史策可也至於拜墓省族畢書之已無謂而至於岳珂鄂國之後其人雖可愛其所著程史不過為說部而大書特書亦何書法及見朱彞尊之論實獲我心朱氏曰方山以帖括擅長既負詩名遂專著述所續通鑑孤陋寡聞如王雱李燾楊仲良徐夢莘劉時舉彭百川李心傳葉紹翁陳均徐自明諸家之書多未寓目并遼金二史亦削而不書惟道學宗派特詳爾憲章錄一編似未覩宗錄而成者若浙江通志簡略太甚俾後之欲知前事者漫無考稽文獻不足徵是誰之過

歟昔劉仲原父謂可惜歐九不讀書覽方山遺編頗同此恨

### 龍身

遼史遼主射龍獲之角尾長脚短身長五尺舌二尺五寸龍舌之長半其身異聞也書影

周亮工著

張荃居曰燕市

有龍身方鱗鈎爪長六尺許頭角悉具此龍之長幾與遼主所獲相同而龍鱗之方亦異聞也亦有文餘之龍  
籍廊偶筆

宋肇撰

順治二年寓長安見大內所藏龍盤貯

一篋中一角五爪鱗甲如鐵長丈餘儼然所翁圖畫也

龍有一角亦異聞也



血流漂杵

兼明書

丘光庭撰

武成云血流漂杵孔安國曰甚言之也血

流漂杵不近人情當為杵字之誤也按詩云赳赳武夫公侯干城左傳郤至舉此云公侯之所以杵城其民也則是古人讀干為汗杵一名楯一名櫓漢書云血流漂櫓即杵俗呼為傍牌此物體輕或可漂案此蓋周餘遺民靡有孑遺之類孔氏說無弊

高麗王冠

五雜組今內豎帽樣高麗王冠制也國初高麗未服太祖密遣人瞰其冠命諸內豎皆冠之及其使至指示之

曰此皆汝主等輩也汝主尚不降非使者歸言之遂奉  
正朔案此事不載於明史朝鮮傳謝氏從何書而引之  
耶必是譌傳國史不少槩見抑亦諱而不傳歟三才圖  
會載明宦者所戴帽與紗帽不同蓋無翅也

### 笑葷

陽山志

岳岱著

曰葷惟山中有之蓋艸木之脂入土無得

膏澤則生敬為蟄時生者名曰雷驚凡白搯面紅者純白

其無搯者采耳棄之生楓樹者曰笑葷食之令人笑不

止飲以土漿則愈此我國所謂時時葷也

諺訓引時時

笑聲



釋真蒼頡

周書真偽字僧偽太原陽邑人性沈謹善隸書工模寫  
官襄樂郡守時俗入書學者亦行束脩之禮謂之謝章  
偽以書字所興起自蒼頡若同常俗未為合禮遂啓太  
祖釋真蒼頡及先聖先師案釋真蒼頡可謂報本之禮  
大勝於雲南之祀王逸少為先師也

王文林

遺山集

元好問著

王黃華墓碑諱庭筠字子端姓王氏家牒

載其三十二代祖烈太原祁人避漢末之亂徙居遼東  
其後遼東亦亂子孫散處東夷十七代孫文林仕高麗

為西部將沒於王事又八世曰樂德居渤海以孝聞遼  
太祖平渤海封其子為東丹王都遼陽案王文林高勾  
麗死節之臣而為王黃華之先祖故表而出之以資博  
雅

### 地肥

楞嚴經註初初之人體有飛光足若御雲由乎食地肥  
嚼香稻故其體漸重足不離地通載云初初人生地肥  
生色白如蜜其味甘美入競貪食地肥隱復生地餅其  
味甘美入競貪食地餅隱復生林藤其味甘美入競貪  
食林藤隱復不耕種而自然生香稻衆取食之足不離



地也。案劫初火食之前，其所漸次想當然也。地肥之前，人皆厭氣，故是若御雲。

崇明老人

後世稱陸賈、公金、五子、周流，就供以終餘年，為享福之人，而萬里掉舌，得歸壘金，不足艷羨，祇可哀憐。余讀三魚堂集，陸龍其著崇明老人記，益覺陸生之良苦。其記曰：崇

明縣有吳姓老人，年已九十九歲，其婦亦九十七歲矣。老人生四子，壯年家貧，鬻子以自給。四子盡為富家奴，及四子長，咸能自立，各自贖身娶婦，遂同居而共養父。毋焉卜居於縣治之西，列肆共五間，伯開花米店，仲開

布店叔開醢臘

缺

店季開南北雜貨店四鋪并列其中

一間為出入之所四子奉養父母曲盡孝道視膳每月  
一輪家週而復始其媳曰翁姑老矣若一月一輪則必  
歷三月後方得侍奉顏色太踈復擬每日一家週而復  
始媳又曰翁姑老矣若一日一輪則歷三日後方得侍  
奉顏色亦踈乃以一餐為率如早餐伯則午餐仲晚餐  
叔則明日早餐季週而復始若逢及十則四子共設於  
中堂父母南向坐東則四子及諸孫輩西則四媳及諸  
孫媳輩分坐穆坐定以次稱觴獻壽率以為常老人飲  
食之所後置一櫥櫥中每家各置錢一串每串五十文



老人每食畢反手於櫥中隨意取錢一串即往市中嬉  
買果餅啖之櫥中錢缺則其子潛補之不令老人知老  
人間往知文遊或博奕或撈蒲四子知其所往隨遣人  
密持錢二三百文安置所遊家并囑其家佯輸錢於老  
人老人勝輒踴躍持錢歸老人亦不知也率以為常數  
十年無異云老人夫婦至今無恙其長子年七十七歲  
餘子皆須白孫典曾孫約共二十餘人崇明總兵劉兆  
以聯表其門曰百齡夫婦齊眉五世兒孫遶膝洵不誣  
也康熙二十二年十月十六日記崇明老人壯而鬻子  
自給老猶博奕撈蒲雖克享大年不過為碌碌庸人身

所可敬者其子四人廝養卒也不讀詩書不知理義乃  
父母鬻其身而不怨及拮据成家惟知孝養其親不特  
能養口體且能養志蓋亦難矣嗚呼世之有親不能養  
養而不能曲盡其道者觀此能無愧乎

此一段亦  
陸氏所贊

### 萬舞

月令疏夏小正曰丁亥萬舞何休注公羊云周武王以  
萬人厭天下商頌萬舞有奕蓋殷湯亦以萬人得天下  
此夏小正是夏時之書亦云萬者其義未聞或以為禹  
以萬人以上治水故樂亦稱萬案邶風簡兮之萬舞即  
武王之樂也集傳舞之總名與此有異



朝鮮津卒

古今注崔豹撰篳篥引朝鮮津卒霍里子高妻麗玉所作

也子高晨起刺船而櫂有一白首狂夫披髮提壺亂流

而渡其妻隨呼止之不及遂墮河水死於是援篳篥而

鼓之作公無渡河之歌聲甚悽愴曲終自投河而死霍

里子高還以其聲語妻麗玉麗玉傷之乃引篳篥而寫

其聲聞者莫不墮淚飲泣焉麗玉以其聲傳隣女麗容

名曰篳篥引馬車五山天輅以為朝鮮津即今大同江也

篳篥漢武帝時所作宋書云篳篥初名坎篥漢武帝滅南粵祠太一后土用樂令樂

人戾暉依琴作坎戾所謂坎應節而又曰朝鮮津卒則

奏也戾者因工人性後言空音譌

此衛滿朝鮮時也亦或為漢置四郡後敗霍里子高麗  
王麗容名甚美雅殊異於夷俗名字鄙側不可究之類  
衛滿本燕人意者子高亦自中國而來屠歟

毛奇齡駁忠臣

毛奇齡辨忠臣不徒死曰龍逢比干三代忠臣此為最  
著然韓詩以周公相孺子管仲相桓公俱不必死因有  
以伍員伏劍為死怨而汲黯慙直反得其東方諷諫同  
享忠名是死亦忠不死亦忠伊管不死不必遂遠在逢  
干下也若夫齊逢丑夫以貌類項公而代公死漢之紀  
信假漢王之車以代漢王此皆身代君死者其亦忠矣



然猶曰此必君之倭幸與齊孟陽代諸兒同故左氏與漢史俱未稱之禮教不明江河日下無論在官在籍祇君死亦死國亡亦亡但知以一死塞責全不計與君事國事毫釐有益與否此則唐虞以後宋元以前并無此等不待言也然且身不在官名未通籍以無何之人苟非韋布即是襪襖目不見君王是不履殿陛亦復棄父母拋妻子以覓一死夫事君以忠謂事君則用之豈有不事君而亦用此者今無端求死以生前限分必不許其得共事者而今且捱身而入公然身死則其為狂惑宜如何者乃今作表忠記者多載此等且更以用兵所

在不韋冒刃者皆稱忠臣如此則長平之卒盡國殤矣  
德懋以為若奇齡之言則孔子所謂殺身成仁孟子  
所謂捨生取義及親上死長主辱臣死之說皆教人徒  
死不足為聖賢垂世之訓也其所謂唐虞以後宋元以  
前并無此等云者一何厚誣千古為其君死節之臣乎  
所稱逢干亦是唐虞以後之人而至若萇弘屈原王蠋  
豫讓以至南宋張陸諸賢皆奇齡之罪人也嫉忠之甚  
居然以佞倖誣讎逢紀二忠何其悖戾若是之懣歎奇  
齡以明之儒生苟且偷生清兵南下不剃髮者皆殺之  
奇齡惶怖匿於土室中髡頭為僧而免死後登康熙制



科行跡不潔白故貶駁忠節之臣以彌縫其平生若其  
著書詬罵程朱猶屬細故當時顧寧人魏冰叔之倫視  
此人當唾之矣

### 漸

東國俗以硃書漸字貼于門楣未識其義張自烈正字

通記之詳悉故錄之漸舊註

案舊註即字彙

音積相傳人死為

鬼人見思之鬼死為漸鬼見思之若篆書此字于門旁  
百見遠雖其說未知所出按漸音賤俗謂之辟邪符以  
漸為鬼名酉陽雜俎曰時俗于門上畫虎頭書漸字謂  
陰府鬼神之名可以消瘡癘又張續宣室志曰裴漸隱

居伊上有道士李君曰當今除鬼無過漸耳時朝士皆  
書漸于門上又漢舊史儼立桃人葦索滄耳虎頭等滄  
耳即漸也又通典漸司刀鬼漸耳一名滄耳其宣室志  
矛盾合滄耳漸耳為一未可盡信搜真玉鏡本作漸俗  
因漸能制鬼故作漸舊本案舊本亦字彙鬼部漸音斬與漸分  
為二或以裴漸為李漸並非又梵書漸為語助音你如  
禪錄云何故漸云未見桃花時漸耳皆語餘聲舊註又女  
紙切音你指物貌亦非

人命八字

榕村集

李光地撰

以六十年甲子乘十二月得七百二十以



六十甲子乘十二時亦得七百二十又以年月七百二十乘日時七百二十得五十一萬八千四百則凡生於天地之間者人禽虫魚草木之倫其大數皆管於是矣康節之數亦從十與十二起然康節以三百六十乘三百六十故其數終於十二萬九千六百祿命家以七百二十乘七百二十故其數終於五十一萬八千四百五十一萬八千四百者四倍十二萬九千六百之數也於是焉陰陽五行之變盡於是而動植之化齊統其二五之參差交錯者推之則偏正純雜於是見焉清濁貴賤於是分焉此祿命之術所由起也書影

周亮

命八字共計

五十一萬八千四百天下人恒河沙數豈止於此必相同者多然富貴貧賤壽夭必無相同者命之理微非五行所可推測亦非術士所可縣斷也即以上四刻下四刻論亦止一百萬零三萬六千盡矣文文山曰考天下盛時九州主客戶有至千四百萬而荒服之外不與焉天地之間生人之數殆未可量也其所得四柱皆不能越于五十一萬八千四百之外且五十一萬八千四百之數散在百廿期中姑以百年為率其所受命止當六分之二有奇則命愈加少而其難斷亦可知矣宇宙民物之衆謂一日止生十二人豈不厚誣此論最當足



臧星家之舌予曾問之一談星者曰然四柱雖同當分  
方域者之方域雖同當合祖宗功德墳墓盛衰家屬隆  
替者之此說近是而究其所言未必能中也案榕材及  
談星者回護術家彌縫其說未免窘遁周氏及文山之  
論可謂光明磊落極本窮源賢於呂才遠矣

王維畫石

丹青記

撰人  
後攷

王維為岐王畫一大石一朝風雨雷電俱

作忽拔石去後見空軸乃知畫石飛去憲宗朝高麗

憲宗時即新  
羅非高麗

遣使言神嵩山上飛一奇石下有王維字

印王不敢留奉獻作此謊說最關心術

重瞳

自古重瞳大舜顏子項羽王莽呂光沈約魚俱羅蕭友  
攷李煜舜與顏大聖大賢而餘皆不克終我國南袁鄭  
命壽及鄭汝立子皆重瞳俱為姦凶我族人有一眼重  
瞳者碌碌無他技能平生有不喫飯之病朝夕只以餅  
餌充腹而死亦異事也明霍韜亦重瞳金官志撰人首  
露王始生容貌甚偉身長九尺龍顏重瞳

永樂大典

設局編纂之書卷帙浩大聲於宋朝文苑英華冊府  
元龜等書而較明永樂大典則眇然矣至清圖書集



成則大典始瞠乎後矣至若四庫全書雖非類纂之書

洋洋大觀前者數種風斯下矣明肇運紀撰人曰永樂

五年十一月太子少師姚廣孝等進重修文獻大成更

賜名永樂大典上為序畧曰上自古初迄于當世彙聚

羣分著為奧典用韻以統字用字以係事包括宇宙之

廣大統會古今之異同始于元年之秋而成于五年之

冬案朱竹垞曰僧善啓序東白預脩永樂大典疑編纂

之不易而其詩云昔出當嚴冬茲還及春暖蓋不過

數月事甫考當日賜鈔者二千一百六十九人則因編

畧者多宜成書之速矣以竹垞之極博尚不知歷五年

而成總二萬二千九百二十七卷春朋夢餘錄孫承

曰永樂中命解縉纂集類書為文獻大成案明史解縉傳

洪武中上書言

願集今之儒者臣請執筆隨其後上沂唐虞夏商周孔  
下及關閭瀛海之傳隨事類別其無益勒成一言上  
書上接經史備一代太平之制作德以為縉傳無編纂  
大典事而觀其上書素所蓄積如此故永樂中輯文獻  
大  
嫌其未備乃命姚廣孝重修  
以布衣召為都總裁而曾榮等為之副詞臣纂修者及  
太學生數千人繕秘庫書數百萬卷與姚廣孝等數人  
叢凡起例秩然有  
法書或擢左資善  
正總裁三人副總裁二十五人纂修

三百四十七人  
催纂五人編寫二百三十人看詳五十  
七人謄寫一千三百八十一人續送教授十人辦事官

吏二十人凡二萬二千十一卷  
案成祖御製序總二萬

錄有異朱竹垞靜志居詩話則以為共二萬三千九百  
卷而又竹垞曰下舊聞則以為二萬三千九百三十九

卷自相矛盾  
當從御製  
裝成一千九十五本貯文淵閣副本貯皇



史成

案說文成屋所容受也蘇史皇史宓藏太祖以來御筆寢錄左右小門曰鑄音龍

孟子異文逸句

繹史

馬驥著

所引孟子異文逸句與日知錄

顧炎武著

畧有

異同○孟子謂惠王曰虐政殺人何異刃邪庖有肥肉廐有肥馬民有饑色野有餓莩此謂率獸食人且人惡之况虐政乎敬老愛幼推心於民天下運掌中也故推恩足以保四海不推恩不足以保妻子○雖有智慧不如乘勢雖有鎡基不如待時齊人譏管晏饑者易為食渴者易為飲若久塗炭則易政○見孺子入井非孺子之父母亦有惻隱之心○枉己者未

能直人當以直矯枉若以曲何以正人○子產以其

乘輿濟人於溱洧孟子曰不知政不如以時修橋梁

○白羽白性輕白雪白性消白玉白性貞雖俱白其

性不同也○伊尹不以一芥與人亦不取一芥於人

○齊人有一妻一妾其夫出則厭食飽而反欺其妻妾

云與富貴人共飲食耳夫出伺之見乞人祭餘食之妻

乃告妾相與泣於中庭其夫自外來未知猶驕其妻

妾由君子枉道得富貴而驕人也

本注馬總意林所錄典今文多異唐

時尚未尊孟子○孟子曰仁義禮智信天爵也

後漢書注

孟子曰太山之高參天入雲孟子曰有人道我善



者是吾賊也道吾惡者是吾師也孟子曰千年一聖

五百年一賢賢聖未出其間有命世者孟子曰墨子

兼愛摩頂致於踵文選○孟子云千年一聖謂之連

步拾遺記錄

○孟子曰今人之於爵祿得之若其生失之

若其死

梁書

○孟子曰人無好惡是非之心者非人也

孟子曰殺一不辜而得天下仁者不為也三國志注○孟

子曰伯夷叔齊目不覩惡色耳不聽惡聲與鄉人居

若在塗炭蓋聖人之清也

世說注

○魯平公與齊宣王

會於鳧臯繹山下樂克備道孟子於平公曰孟子私淑

仲尼其德輔世長民其道發政施仁君何為不見乎

廣文選 ○孟子曰滕文公卒葬有日矣天大雨雪甚至

於牛目羣臣請弛期太子不許惠子諫曰昔王季葬

渦山之尾橐水鬪其墓見棺前和文王曰先君欲見

羣臣百姓矣乃出為帳三日而葬今先王欲小留而

撫社稷故使雪甚弛期而更為日此文王之義也注本

藝文類聚引又按戰國策魏惠王卒云云不謂孟子語也 ○孟子曰戰者危事也

北堂書鈔 ○孟子曰人之善不善在其目其心正則童子

瞭然其心不正則童子眊然白帖 ○孟子舜年五

十而不失其孺子之心本注坊記注右諸書引用多與今本文異其今本所無者

或是外書○案馬氏又有所引法言孟子曰夫有意而不至者有矣未有無意而至者也韓詩外傳孟子



曰仁人心也義人路也舍其路弗由放其心而弗求  
人有鷄犬放則知求之有放心而不之求其於心為  
不若求鷄犬哉不知類之甚矣悲夫終亦必亡而已  
矣故學問之道無他焉求其放心而已詩曰中心藏  
之何日忘之高子問於孟子曰夫嫁娶者非已所自  
親也衛女何以得編於詩也孟子曰有衛女之志則  
可無衛女之志則急若伊尹於太甲有伊尹之志則  
可無伊尹之志則篡夫道二常之為經變之為權懷  
其常道而挾其權變乃得賢夫衛女行中孝慮中  
聖權如之何詩曰既不我嘉不能旋反視我不臧我  
思不遠鹽鐵論孟子曰今之士今之大夫皆罪人也  
皆違其意以順其惡孟子曰堯舜之道非遠人也而  
人不思之耳漢書孟子曰紂貴為天子而死曾不  
如匹夫是紂先自絕矣非死之日天去之也風俗通  
孟軻曰堯舜不勝其美桀紂不勝其惡傳言失指  
畫景失形日知錄史記伍被對

淮南王安引孟子曰紂貴為天子死案馬氏所引死上有而字

曾不如案馬氏所引如作若匹夫案馬氏所引匹夫下有十五字法言修身篇

引孟子曰云云

案典馬氏所引同

鹽鐵論引孟子曰吾於河

廣知德之至也又引孟子曰堯舜之道非遠人也人

不思之爾

案馬氏所引也字下有而字爾字作耳

周禮大行人注引孟

子曰諸侯有王宋鮑照河清頌引孟子曰千載一聖

猶

旦

暮也顏氏家訓引孟子曰圖影失形

案馬氏所引即風俗

通子作軻影作景

圖字上有十六字梁書處士傳引孟子曰云云

案典馬氏

所引廣韻圭字下注曰孟子六十四泰為一圭十圭

為一合以及集注中程子所引荀子孟子三見齊王

而不言事門人疑之孟子曰我先攻其邪心今孟子

皆無其文豈所謂外篇者耶

本注史記索隱引白圭甫謚曰孟子稱禹生石紐



西夷人也恐是舜生馮諸之誤漢書藝文志孟子十一篇風俗通曰孟子作書中外十一篇

### 四庫全書

乾隆甲午始蒐輯天下之書名曰四庫全書蓋亦成祖召天下文人編輯永樂大典以銷靖難後不平之氣康熙設博學鴻詞科勒集明末遺老蒙之以科名陰杜橫議之口同其意也近年以來勝國之頑民雖曰老死其書尚多則或慮其寓譏于文字之間外示購書之盛意優詒博訪畢集無遺於是燒者抹者懸為令甲蓋其為計亦云巧矣

戊戌遊燕時見坊曲揭黃紙詎書嚴禁錢

謙益屈大均金堡三人遺集毀板焚燒多遺片言嚴者抵罪蓋謙益則以明朝宰相投降清朝而其述詩

文侵斥不已大均堡革世後托跡縉流亦斥清朝故  
也至若己死於明朝者如黃道周劉宗周輩其於疏  
章間或有凌侮清人之語此係為其本朝只可林去  
侵斥之句語亦為贍寫四庫全書中其大畧如此問  
琉瑯廐書四陶生則以為塗抹句語之書  
如亭林集三魏集之類可至三百餘種云其甲千仲

夏御製題武英殿聚珍版十韻有序曰校輯永樂大

全內之散簡零編

案大典引用諸書近世不傳者多故抄聚其散現者編之雖未為全

書猶可還其面目此皆人間稀有其書

并蒐訪天下遺籍不下萬餘種

彙為四庫全書擇人所罕觀有裨世道人心及足資

考鏡者剏剏流傳嘉惠來學第種類多則付雕非易

董武英殿事金簡以活字法為請既不濫費東萊

不久淹歲月用力省而程切速至簡且捷考昔沈括



筆談記宋慶歷中有畢昇為活版以膠泥燒成而陸深

金臺紀聞則云毘陵人初用鉛字視版印尤巧便

斯皆活版之權與顧延泥體龐鑄鉛質軟俱不及鋅

木之工緻茲刻單字計二十五萬餘雖數百十種之

書悉可取給而校讐之精今更有勝於右所云者第

活字版之名不雅馴因以聚珍名之而系以詩稽古

搜四庫於今突玉車開鐫思壽世積版或充閭張

帖唐院集周文梁代餘同為製活字用以印全書精

越鶚冠體原注昨歲江南所進之書有鶚冠子富過鄴

架儲機圓省雕氏切倍謝鈔胥聯脉亭堪例延泥法

似跖跖銅昔悔彼原注康熙年間編纂古今圖書集

武英殿歷年既久銅字或被竊缺少司事者懼干咎  
通值乾隆初年京師錢貴遂請毀銅字供鑄從之所  
得有限而所耗甚多已為非計且使銅字尚  
存則今之印書不更事半功倍乎深為惜之刊木此

慙予豈復羨科舉還教慎魯魚成編示來學嘉惠志

符初蓋此序及詩必載於每種之端此是四庫薈要

案此即聚珍版所印者也亦踰萬卷統為謄寫者為萬餘種則

其為卷當不下十萬案聚珍版東來者只十餘種戊

庭筠出示小紙列書書目二十餘種蓋此目刊刻印

紙者而潘曰此皆武英殿發賣書也俱是來東者而

薈要踰萬之目不可見矣或曰謄寫凡四件分置四  
處選天下善書者六百餘人號曰謄錄官廩食燕京  
嘗於潘氏家見謄本則冊樣稍大而朱絲闌字體不  
甚楷精潘曰此役已踰五年從今以往五年可以迄



云工

每壹種總纂官陸錫熊紀昉必撰小識論難其得

失又分命詞臣校訂謾漏冊葉之旁必署其姓名

浙江書目

浙江布政使王重望輯

載乾隆三十九年五月十四日上

諭今閱進到各家書目最多者如浙江鮑士恭范懋柱汪啓淑兩淮馬裕四家為數至五七種皆其累世藏弁克守其業因思內府所有古今圖書集成書城鉅觀人間罕覩此等世守陳編之家宜俾專藏四家著賞古今圖書集成各一部以為好古之勸又如進一百種以上之江蘇周厚堦蔣曾瑩浙江

吳玉墀孫仰曾汪汝琛及朝紳中黃登賢紀昀勅守

謙汪如藻等亦俱藏書舊家無人賞內府初印之佩

文韻府各一部俾亦珍為世守以示嘉獎布政使王

宣望序畧

案時宣望開局徵書此其書目序

曰浙中藏書之家鄞縣

范氏天一閣至今世守若越中祁氏鈕氏禾中項氏

曹氏錢塘趙氏其間不無剽散流落人手尚多可稽

近當文治嗜古之輩出若杭城吳玉墀鮑士恭汪

啓淑汪汝琛孫仰曾慈谿鄭大節頗有可觀自壬辰

秋訖甲午夏作十二次綜錄奏進凡四千五百二十

三種為卷凡五萬六千九百五十五不今卷者二千



九十二冊一考之書浩穰若是合天下而譔次之盛

美可相心見

案浙江書自凡例亦王賈望所作雖與原序重複今錄之浙省儲書前代甬上范氏

天一閣永中項氏天籟閣越中鈕氏世學樓折氏澹生堂固朝曹氏倦圃朱氏曝書亭趙氏小山堂其著

也達人多所湮滅惟天一閣篇然獨存近時杭城五家龍氏知不足齋吳氏瓶花齋汪氏開萬樓汪氏振

綺堂孫氏壽松堂慈水鄭氏二老閣頗不寂寞

棉

棉朽同廣韻棉樹名

案本草木棉有草木二種

南史高昌國傳

有草案如繭中絲為細纁名曰白疊取以為布唐環

王傳古貝草緝花為布鹿麕曰貝精曰纈

案二者所引皆草棉

吳錄

張勃著文趾安定縣有大棉樹高丈餘通鑑梁武

帝送木棉皂帳

案史始通鑑釋文木棉江南多有之三月下種一月三藉至秋黃花結

案其皮四裂其中綻出如綿○案此即草棉棉木棉

勝國遺事

申欽恭愍朝文著

益漸

案益漸字日新恭愍九年登科江城人我本朝贈富宗癸巳辛官左司議右文館提學

民侯謚忠宣

使元得之歸種盡枯只一莖生比三年遂大

藩衍其舅鄭天益初造取子車繅絲車至今為東

大利

案贈富民侯有以也世傳益漸得草棉種藏於璧中而來其子球始作紡車故東俗野紡車為

文球其子璞始作機織布故呼棉布曰文璞東俗不辨草木二種只稱木綿亦未知綿棉之別綿即新絮

繭之所繹也何關於草綿俗稱綿花亦稱去校稱棉布曰白木或單稱曰木甚無謂

改撰宋史

朱彞尊曰柯維騏字奇純莆田人嘉靖進士南戶部



主事宋遼金元四史惟金史差善其餘潦草牽率

希齋

案柯氏號

撰新編會三史為一以宋為正統遼金附焉

升瀛國公益衛二王于帝紀以存統正公國諸叛臣

之名以明倫列道學於循吏之前以尊儒歷二十載

而成書先是揭陽王昂撰宋史補台州王洙撰宋元

史質比畧焉不詳至柯氏而體稍備其後臨川湯顯

祖祥符王維俟吉水劉同升咸有事改修湯劉稿尚

未定維俟宋記沈于汴水

案李自成灌開封城宋史沈水

余從吳

興潘氏抄得僅存

案王士禛曰汴梁王司空損仲刪正宋史為宋史記二百五十卷錢

宗伯謂大梁之亂損仲圖書盡沒於水吳興潘昭度家有宋史抄本此或即吳興本也目錄列傳刪併全

乙甚多云是湯義仍手筆義仍亦刪宋史則此書或  
王本或湯本皆不可知康熙庚午石門呂孫中攜以  
入都朱竹垞借抄其副余僅抄此則一卷聞吉水劉  
壯元晉卿亦刪宋史不知江西兵燹後猶有存否○  
損仲王維然三史取材紀傳則曾鞏王補杜奎彭百  
侯字也

川葉隆禮字文懋昭編年則李燾楊仲良陳均陳桎  
禮樂則聶崇義歐陽脩司馬光陳祥道陳旻陸佃鄭  
居中張暉職官則孫逢吉陳騷徐自明輿地則樂史  
王存歐陽忞稅安禮王象之祝穆潘自牧著錄則王  
堯臣晁公武鄭樵趙希弁陳振孫類事則徐夢莘孟  
元老李心傳葉紹翁呂中馬端臨趙秉善劉祁述文  
則趙汝愚呂祖謙諸書俱在以余淺學亦曾過讀其



正宗朝

他宋金元人文集約存六百家郡縣山水志以及野史說部又不下五百家及今改修文獻尚猶可徵余嘗欲據諸書考其是非同異後定一書老矣未能也

謹案

今上己亥四月以宋史繁蕪

命判書臣徐

命膺參判臣徐浩修徐有隣承旨臣柳義養沈念祖

鄭志儉李在學分排刪修

命名宋史筌口光葵謹

案歲甲辰先君出為積城宰

命以宋史筌諸臣刪

修本勢之官更加修正於是先君按例修潤補撰遼金蒙

古高麗列傳及遺民列傳凡四年釐為四十冊以進

諸葛武侯

抱朴子曰魏武帝嚴刑峻法果於殺戮乃心欲用乎

諸葛孔明孔明自陳不樂出身武帝謝遣之曰義不

使高世之士辱於汚君之朝也

案此雖不名於史傳而為雅川昨諸葛不

遠其言可信孔明之出處于張南軒曰即侯行事而

觀之絕姑息之私意本常理之大公聽言猶恐不及

見善若出諸已侯於斯世所欲不存身都將相三十

年間一國之柄萃出其手而人不知其有權或謂侯

勸昭烈取荊州為不義不知劉琮既已迎降於操則

荊州固魏之荊州矣予以取之豈不正乎榕村李光地曰或疑

武侯取規荊益為兼并之謀非王佐之道短於用兵

淹歷年歲非王佐之才曰此鄙儒之論非識經權之

體者也璋表以枝葉之親止無周公定國之規下無

晉文勤王之舉而據巴西觀望江表擬擅專坐

自貴大此為輔亂之徒宜伏管蔡鄭衛之誅者矣先

主時方寄食襄樊眾不盈旅名義威力兩有未便然

在琮謂之亂將舉國附賊声而討之未負於信既得

荊州結吳拒魏正名西征無弱攻昧未損於權及乎



先主托孫之盟已堅而棄荆土於前法正張松之謀既行而覆西州於後遂使江東求地有所執言成都攻圍未竟遺議此則時事之變非武侯之本意也奇謀為短此陳壽之言也夫興大業者無近功志王道者絕小利若襲襲韓彭之餘策事攻取之急謀以暴易暴而助亂畧多殺不辜而得天下事雖成其本蹶矣

○案榕材之言茲揮孔明正大處令人快絕 楊升菴曰昭烈於十六年冬

從劉璋之迎而擊張魯是時孔明留守荆州至明年

乃至葭萌據涪出正之計昭烈亦強忍從之若使孔

明在舉措當不如此今以取劉璋為孔明病蓋亦未

知考也

升菴又云老泉謂孔明棄荆州而龍巴蜀吾知其無能為也然不考孔明草廬見先主之言已云荆州用武之地棄而不取乃先主之失以此

病孔明不亦誤乎○案升菴所謂若使孔明在舉措

不當不如此云此太曰護反又曰俞豹論孔明忠于不如南軒樞村說之為公正

玄德而非忠於漢獻以漢獻尚在而玄德之立為不當也此說謬矣習鑿齒曰惠公朝秦而子圍以立更始猶存而光武舉號先主合議討賊是宜速尊以奉大統民欣反正必觀舊物可謂識時之卓見豹蓋亦

未嘗見此論也

王阮亭曰新建徐世溥作武侯無成論云諸葛之出師即周公居東之志

也其盡瘁而無成功則昭烈如嘆不才卿可自取一言醜之也斯言也昭烈之疑忌盡見生平深陰畢露非惟昭烈不知孔明孔明亦不知昭烈甚矣彼以飛羽既殲老宿無人嗣子冲愚而亮以良平之才據伊周之地一朝之後有獨者未知為劉氏否也故若示以開心見誠而安豫防逆折予讀之駭然世溥何人而敢污蟻先賢如此薛能詩當年諸葛成何事只合終身作卧龍及周爰之難人以為口業之報後聞錄云薛能從事西川每短諸葛切業厚誣之見于詩不一而足竟不免許州之禍世溥慨死於置安知非已



業三  
報武

袁孝若曰攝一國之政事凡庸之君專權而不

失禮行君事而國人不疑行法嚴而國人悅服用民  
盡其力而下不怨及其兵出入如賓行者不冠芻蕘  
者不獵如在國中其用兵也止如山進退如風雨天  
下震動而人心不憂亮死至今數十年國人歌思如  
周人之思召公也法令明賞罰信士卒用命赴險不  
顧帥數萬之衆其所興造若數十萬之功所至營壘  
井竈固濶藩籬障塞皆應繩墨一月之行去之如始  
至蜀人輕銳故堅用之治實而不治名志大而所欲  
遠好治官府次舍橋梁道路小國賢才小故欲其尊

華微詳

愚唐

嚴田疇辟倉廩京器械利蓄積饒朝會不華路無醉  
人本立故末治有餘力而及小事此所以勸其功也  
亮持本者也其於應變則非所長故不敢用其短安

可以備體責也

張南軒曰予每恨陳壽私且陋凡度  
經畧次第與夫燭幽消患治國用人

馭軍行師之要悉聞而不敢飾辭以忘其宗○楊升菴  
之所注固裒而集之不

曰宋儒論孔明為後主以刑名兵法可耶吾子西云人  
以經子輔導少主乃以刑名兵法可耶吾子西云人

君不問撥亂守文要以制畧為貴後主寬厚襟量有  
餘權畧智謀不足當將識者咸以為憂六韜述兵權

多奇計管子責輕重慎權衡申子要名案韓子攻事  
情施之後主正中其病藥無高下要在對病此言當

矣予又觀古元龜載先主臨終勅後主曰申韓之書  
益人意智可觀諱之三國志載孟孝裕問卻正太子

情尚正以虔恭仁恕答之孝裕曰如君所道皆家門  
所有耳吾今所問欲知其權畧知調何如身然則孝



格之見與孔明合而後主之觀申韓書亦先主遺命也獨以是病孔明不惟不成人之美亦不謝時務矣  
○案治亂國不得不用峻法袁子之論去孔明不遠故其所道井井規度宛如昨日而其曰應變非所長蓋亦格陳壽之餘論論而不識孔明者也升卷之論明白可感

### 甲申京師殉節

崇禎十七年甲申三月自咸陽京師諸臣殉節清

順治九年

案明史崇禎九年全額詩注作十年

贈謚凡二十人

案命所在有司各給

地七十畝建祠致祭忠魂義魄宜肯享之

東閣太學士范景文

字夢章吳橋人萬曆

四十一年進士赴井死弘

戶部尚書倪元璐

字玉汝上虞人

天啓二年進士自縊死弘

左都御史李邦華

字孟蘭吉水人

萬曆三十二年進士授繅死

戶部尚書王家彥

字開美蘭

弘光時謚忠文順治忠肅

今似脫祀字

臣似脫祀字

恒也	兵馬	中周	俞志	國元	臣祀	都督	春清	宋裕	武定	臣祀	顧鏐	正祀	奇妾	鉉母	監王	總兵	城伯	人曰	衛昇
○乾	指揮	之茂	志虞	六人	太監	方履	平伯	裕德	定侯	祀成	鏐彭	祀婦	妾朱	母章	王承	兵周	伯李	曰正	昇稷
隆御	姚成	員外	輩時	曰附	李鳳	恭錦	吳遵	懷寧	郭培	國公	琯御	人又	氏李	氏汪	恩一	過吉	國損	祀文	宣府
製全	知州	郎賓	為賊	祀內	翔王	衣衛	周新	侯孫	民陽	朱純	史俞	祀進	氏陳	妻耿	人曰	遼東	尉馬	祀臣	巡撫
韻詩	馬象	承烈	死諸	臣有	王之	千戶	建伯	維藩	武侯	臣鎮	志盧	士孟	良謨	氏劉	正祀	總兵	都尉	朱之	馮布
注曰	乾皆	中書	侯伯	司春	心高	李國	王先	彰武	侯瀛	徐標	盧徐	章明	時氏	順妻	內臣	兵馬	尉鞏	侯劉	布衣
丙申	以不	宋天	亦太	秋致	時明	祿十	通安	伯楊	侯康	顧肇	朱廷	郎中	氏馬	萬氏	祀烈	七人	左都	文炳	湯文
春以	屈死	頭署	半以	祭然	褚憲	五人	鄉伯	猷宣	侯徐	迹定	煥七	徐有	妻祖	氏妾	婦成	都督	惠安	瓊安	文瓊
世祖	廟未	于騰	死而	顧鎡	章方	曰附	張光	宣城	侯錫	侯遠	人曰	徐有	祖氏	妻李	德母	劉文	伯張	諸生	許琰
章皇	贈	雲	郎	彭瑄	正北	祀武	燦右	伯衛	侯寧	侯明	附祀	事中	九人	氏馬	張氏	耀山	張慶	孫臻	襄



帝時表章崇禎未死事諸臣僅據傳聞未暇遍為搜  
訪迨久而遺事漸彰明史所載按籍可考若史可法  
之力支殘局矢死全忠劉宗周黃道周之謬謬立朝  
臨危授命均足稱一代完人其他或死守城池或身  
殞行陣與夫俘擒駢慘視死如歸若而人者皆無愧  
疾風勁草即自盡以全名節亦并可矜憐又如福王  
之倉猝偏安庶桂二王之流離竄迹已不復成其為  
國而其臣茹荼相依捨生取義各能忠於所事亦豈  
可令其湮沒又如我太祖薩爾滸之捷明良將若劉  
綏杜松等皆疑於陣其時抗我願行自當獮薶至今  
迹其竭忠効命未嘗不為嘉憫又若明社將移孫承  
宗盧象昇等之抵拒王師身膏原野周遇吉蔡懋德  
孫傳庭等以闖獻蹂躪禦賊以身凜凜猶有生氣總  
由明政不綱權奸接踵遂致黑白混淆忠良泯滅每  
為撫字不平福王時雖間有進諷之人而去取未公  
亦無足為重予惟以大公至正為衡若錢謙益之自  
詡清流配顏降附及金堡屈大均輩之伴生畏死詭  
托緇流均屬喪心無恥自當嚴春秋斧鉞之誅而明  
季盡節諸臣為國抒忠宜加優獎準情理而公好惡  
卽以示彰瘴而植綱常因命大學士九卿等集議徵

考姓名仍其故官予以謚號一如世祖時例議上予  
專謚者二十六人通謚忠烈者一百一十二人通謚忠  
節者一百九人通謚烈愍者五百七十六人通謚節  
愍者八百四十三人并各節敘事案集為勝朝殉節  
諸臣錄刊行以垂不朽此惟遠紹祖德而所錄  
幾多至百億有若當時留待比日之推行云爾

青莊館全書卷之五十六

己巳秋典牲署  
書負朴孝彬書





青壯館全書卷之五十七

葢葉記目錄四

東國婦人能書

鷲

符臺外集

八道監司

八壯士

婦人善風水

舊唐書新羅王諱

下手書

高麗盛世

非夫婦合葬

東語多梵語

姓氏氏

箭羽間刻名

武臣東西銓

長者居士

禽獸魚大小相類

僧齋

圖書集成

卅

經解目

宣廟朝人才

天兵譏東國

僧伽寺石像

生時刊行文集

三尊譜錄

羅句濟麗奇姓

穆天子傳奇字

玃

晉書唐畫真蹟

董圭峯

易服之令

二氏悔聖

人有十八竅

日月燈誤解寅申

高麗磬

墨翟有將材

權臣多藏書畫



隸古定

日子

畚畝

青莊館全書卷之五十七





青莊館全書卷之五十七

益葉記四

完山

李德懋

懋官

著

豚馬

德水

男光葵  
李晚秀

奉果  
蕙隣

編輯  
校訂

獸異種相交而生西洋人南懷仁坤輿外紀曰利未亞  
國百獸所聚異類相合輒產奇形異狀之獸德懋業此  
如果樹異種相接而稟然世人所見只有馬驃之屬驃  
則交骨不閑故當產而死馬驢相合而生驃天理巧密  
釋典有三必死謂人抱病竹結稟驃懷胎也又有驃亦  
生駒之說古今註元李治著編入四庫全書曰師古曰羸驢種馬子  
堅忍單于自乘善走羸而壯馬隨之也治曰李治今因

紇人善畜騾有日行七八百里不必驢種馬之子乃自

有騾種耳其生時須剖母腹亦有不剖而生者然其力

不及殺母者單子所乘必此輩也羸字案韻作羸或者

羸與裸字同音羸羸群又相近故借用之不甫乃印本

之誤案單子自乘善走羸云云恭讀評鑒闡要以騾非

破千古史家虛偽之說李治此條尚未免囿于聞見謹

附訂于此○此案即四庫全書校正諸臣所注釋也評

鑒闡要即乾隆所撰清本塞外之俗其言可信坤輿外記曰厄曰多國騾能傳

種生騾駒此水土風氣與他國有異池北偶談曰王士禛著康熙某年旗

下人家有騾生子竟無恙王說今考古說騾羸之屬玉

篇駝駟驢父牛母本草駝或作騾惟豹古今注驢牡馬



牝則生騊二即駝駝也說文駝駝馬父羸子古今注騊

為牝馬為牡生駝說文及古今注俱言騊牝生駒已先

於李南王三說李時珍曰牡牛交驢者為驢駝駝雅馬

父驢母曰騰騊說文羸驢父馬母白永叔嘗言驢父馬

母生曰上州即說文之羸古今注之騊也脩脚疎臀稀尾短鬣馬父

驢母生曰下州即駝雅小如驢耳大於馬後如騊前如

馬騊父馬母生曰州如騊而尾稍粗耳小於騊馬父

牛母生曰弓俗以特為馬牛相交之子而廣考字書只訓以牛後如牛前如騊

牛父馬母生亦曰弓大如馬而鬣鬣不茂如蟲損前如

馬後如牛又言馬父驢母之生曰下門二齒長而

內曲蹄圓如驢而中有絲鬣蓋羸字玉篇作驪六書正  
譌俗作驪蒙古方言以驪為老殺我國方言上州即與  
老殺同音襲胡元之遺俗也

東國婦人能書

訓民正音頒行之前婦人能文工書想應不少而世

宗朝

世宗朝始有諺文婦人不學書

以後婦人能詩者徃徃有之以書

名者絕罕已卯名賢金玘筆法奇崛安山人字子修官  
典籍佯狂號慕箕齋金大成湜弟子母姜氏希顏女工  
書陶谷李相國撰墓碣玉峯李氏宗室裔也有詩謝徐  
牧使益小室惠題大字瘦勁寫成天外態元和脚迹見



遺蹤體若蕙枝思即杜指纖叢玉掃能確恨其姓氏不可攷無乃亂流徐羊甲之母歟

### 八道監司

我朝為八道監司者只二人曰咸傳霖曰潘碩枰潘則又為五道兵使世傳丁二相應斗為八道監司非也只為七道云碩枰人奴也可驗古者立賢無方

### 符臺外集

堯山堂外紀

明蔣一

載宋少帝晞

案廣韻音規說文作晞微秋也以日中視

絲古文以

既封瀛國公

案德祐二年為元所禽時方六歲

及長元世祖

以公主配之一日內宴酒酣立傍楹間世祖恍惚見龍

八拏攖狀時有獻謀除滅者世祖疑而未許瀛國公密

知之乞為僧往吐蕃學佛法因拏全后公主姬御遁居

沙漠易名合尊長子亦為僧名完普頃之復誕一子時

明宗為周王永遁沙漠察明宗初封周王出鎮朔漠泰定帝崩武宗次子懷王圖帖目

甫即帝位遣使迎周王勸進明宗即位於和寧之北立懷王為太子宴太子諸王於行殿是日暴崩與少

帝往來遂乞少帝子與其妻為子即順帝也其生之年

為大德七年庚申察大德成宗年號少帝生庚午是歲為五十一明宗庚子生二十一我

大明入燕都遁去時人只號庚申君既卒國人謚曰惠

宗克山堂外紀說止此案明史藁清王鴻袁忠徹傳曰忠徹著符

臺外集載元順帝為宋瀛國公子云明史說予以為雖止此



不見符臺外集然外紀所引必是此集

案外紀所引極博而不書名

忠徹仕於永樂間目見元亡其言恐不虛癸辛雜志

宋周

密撰曰金章宗之母乃徽宗某公主之女也故章宗凡嗜

好書字悉效宣和字畫尤為逼真金國之文物惟明昌

為盛

雜志說止此

北宋亡於金南宋亡於元此萬古之至慘

也然章宗酷肖其外翁已啓金運之不競瀛國庚申以

父子而為宋元之末帝可駭上天之設施排鋪極不疎

虞興亡之數明示定限扶抑之權潛主自張

### 婦人善風水

婦人之能知風水術者在中國郭景純之女在東國太

虛亭崔恒夫人徐氏即牧使彌性女而徐四佳居正妹也

八壯士

崇禎丁丑

昭顯世子

孝宗大王

時為鳳林大君

以質入瀋

陽也具綾川

仁

薦八壯士從行曰朴培元趙壤申晉翼

張愛聲吳孝誠金志雄朴起星張士敏周旋捍衛終始

如一甲申

鶴駕東歸時

顯廟春秋方四歲不肯坐

輜使人負亦啼笑不已惟吳孝誠負之則止笑於是徒

步行數十里衣背盡腐後

孝廟命畫八壯士像於屏

風吳孝誠則畫負

顯廟狀丙申設別軍職廳使八壯



士鮮裝厚廩夙夜侍衛子孫世襲一日 孝廟御使殿

置酒二酣名吳孝誠欲把臂而語以示親昵孝誠頓首

固辭 上怒甚舉長琴撞其右肩傷其臂之因拘繫不

仁 上酒醒悔之益加寵愛余嘗於人坐上見吳孝誠

後孫所記撮而錄之醒言成大中曰 孝廟在藩十年

清既克北京乃許之返山東人王鳳崗王文祥馮三士

柳許美王美承大同人劉自成裴成三杭州人黃功等

八人從之而來 孝廟居之本宮側欲宦之不肯願俟

河清而返 孝廟亦不強而使衣食於宮後屬之訓局

今盡為委巷人獨美承無後鳳崗崇禎名臣王輯之子

正宗朝

其後最繁 肅廟設大報壇 命以皇朝遺民之裔為  
領役將鳳崗之孫為首任 英廟以其孫漢禎為別軍  
職今 上命以為騎士將兵嘗難之 上曰天朝名臣  
之裔豈不足為外國大將而況騎士將乎卒除之

下手書

東俗文券庶民畫手寸婦女模指掌皆有所本丹鉛錄

楊慎著

曰周禮司市云以質劑結信而止訟鄭康成云長

曰質短曰劑若今下手書賈公彥云漢時下手書若今  
畫指券黃山谷云宣今細民棄妻手摹者乎不然則今  
婢券不能書者畫指節及今江南田宅契亦用手摹也



舊唐書新羅王諱

舊唐書新羅傳曰王景熙妻朴氏母朴氏案新羅五十

五王無諱景熙者但哀莊王諱重熙唐德宗貞元十神

德王諱景暉後梁太祖乾化二年壬申立而景熙似是重熙之誤哀

莊姓金氏神德姓朴氏則神德母暨妻未必皆朴氏也

又云蓋蕪文姓錢氏案蘇文姓泉氏而此曰錢氏者以

泉與錢相通故也史記天官書註錢古作泉字又日本傳播免勢入

唐案倭書有善書者播逸勢而今曰播免轉謠也字書無播

字前史外國事類多謬舛如此此近世何焯字此瞻即長洲人也

康熙朝進士官編修博覽淹貫長於考訂等校正本而猶未辨證此數者中

國素罕外國人所著書故也又日本傳王姓阿每氏亦  
誤也日本王自周時建國以來一姓相傳曰源阿每者  
似是倭人誑唐人謾辱之為阿母之轉猶宋時西夏主  
以曩霄為名謾辱宋朝西夏之方言曩者吾也霄者祖  
也明史日本傳稱王姓王者尤無謂

非夫婦合葬

合葬夫婦起於周時而後世有妯娌而合葬者一統志  
歐陽昌邦妻嚴氏新喻人處娣妯最為和順妯汪氏先  
卒未葬而嚴得疾臨終謂其夫曰我與妯睦死得合葬  
無恨遂合葬亦石崗題曰妯娌阡

案字書娣妯妯也  
兄之妻曰妯娌弟之



妻曰娣婦又曰兄弟之妻相謂曰妯娌

有男子而合葬者書影

周亮工著佚官

陳鴻字叔度年七十二以貧病死無子不能葬戎子入閩客以其詩來余曰余任其葬子任其詩因助以金徐存永董其事先是莆田布衣趙十五名璧工詩畫與叔度先後死亦不能葬存永因舉十五之棺與叔度合墓於小西湖之側余為書碑曰明詩人陳叔度趙十五合墓明儒學案黃宗義著程學顏字二蒲號後臺孝感人官太僕寺丞何心隱案心隱永豐人本梁汝元後改姓名為何心隱死其弟學博曰梁先生以友為命友中透於學者獨吾兄耳先生魂魄應不去吾兄左右乃開後臺墓合葬焉有姊妹而合葬

者晦隱集

南鶴鳴著

呂叅判甫徵鄭監司百昌友壻也兩夫

人但死於江都之難不能辨屍體合葬而節日兩家子

弟輪回祭之云

### 高麗盛世

益齋集

李齊賢著

顯宗

案顯宗太祖第八子

德宗

案德宗顯宗太

子

在位三年

靖宗

案靖宗顯宗次子

在位十二年

文宗

案文宗顯宗第三子

在位三十七年

父作子述兄終

弟及首尾幾八十年可謂盛矣象村集

申欽著

自顯宗至

文宗幾八十年文宗躬勤節儉進用賢才愛民恤刑崇

學敬老威權不移名器不假家給人足宋朝遼邦褒賞

相繼倭琛虜貢浮海叩關為麗代太平之君德懋謹案



我朝 肅宗大王在位四十六年 景宗大王在位四年 英宗大王在位五十二年 列聖相承一百二十年 治躋郅隆域內晏然無鷄狗之警享升平之樂猗歎盛哉三代以後所未有也不獨專美有麗

姓氏氏

漢書食貨志臨淄人姓偉貲五十萬注姓其姓也吳志氏儀孔融嘲之曰氏乃民無上儀改姓是有人傳中國人有姓姓名名字春秋哀四年蔡殺其大夫公孫姓姓音生名者也

東國多梵語

東國自三國至高麗尊尚釋道故方言往往有梵語梵

語摩菟舍喃此云人東國方言人曰外訖與舍喃相近  
摩羅此云髮東國方言首曰叶引髮即首髮阿摩此云  
女東國方言母曰叶叶北道人直呼女人曰叶叶普陀  
此云海東國方言海曰叶叶此其槩也

武臣東西銓

我國武臣為吏曹判書朴仲善成宗朝魚有治成宗朝韓致

禮成宗朝吏曹叅判李秉正世祖朝李季全成宗朝吏曹叅議

朴元宗燕山朝兵曹判書洪達孫世祖朝金師禹洪師錫俞

瀨林得顏已上俱世祖朝金孝誠世祖朝奉石柱世祖朝南

怡世祖朝朴仲善世祖朝魚有治成宗朝許享孫成宗朝吳子慶



成宗朝 李季全 任燕山乙卯在 呂自新 燕山朝 柳聃年 中宗已

十餘年 辛允武 中宗癸酉 尹任 中宗庚子 禹孟善 中宗朝 李曙 仁祖乙亥

景禎 仁祖丙子 具宏 仁祖丁丑 具仁 仁祖甲申 李浣 顯宗丙午 申汝哲 肅宗

丙子 李森 英宗己酉 金聖應 英宗丁巳 具善行 英宗辛巳

箭羽間刻名

東國箭羽間刻名雖曰刻而非以刀刻只細書某官及

姓名案五代史雜傳陸思鐸少事梁為宣武軍騎卒梁

晉相距河上思鐸鏤其姓名於箭筈 案廣韻筈受弦處甚小無可鏤名處

筈亦箭羽間此而槩言筈 以射晉軍矢中莊宗馬鞍莊宗拔矢見思鐸

姓名奇之後滅梁思鐸謁見莊宗出矢示之思鐸伏地

請死莊宗慰而起之拜龍武指揮使又案唐書王忠嗣  
傳忠嗣名屬長付以兵使授士卒雖弓矢亦誌姓名其  
上軍還遺弦亡鏃皆按名第罪據此則自唐始也李董  
山曰高麗金敦中矢落王輿前遂成大獄枉殺無辜若  
書名於箭上則敦中雖欲免必不可得據此則高麗時  
似不刻名

禽獸魚大小相類

禽大小而相類者鷹則大而鷄則小雉則大而鶉則小  
鶉似雉鴈則大而鳧則小鰲大小而相類者虎則大而豹  
則小貍則大而貓則小鹿則大而麋則小牛則大而羊



則小驪則大而驢則小兔<sub>耳</sub>則大而兔則小魚大小而  
相類者鮐<sub>치</sub>則大而鰮<sub>비</sub>則小鰻<sub>어</sub>則大而鰻<sub>기</sub>則小  
吞<sub>俗以大口</sub>則大而鰻<sub>倭字</sub>則小鰮<sub>倭以芒</sub>則大而鰻  
<sub>倭字</sub>則小鰻<sub>倭字</sub>則大而鰻<sub>倭字</sub>則小鰻<sub>倭字</sub>則大而  
鰻<sub>리</sub>則小

長者居士

東國稱富者為長者楞嚴經注天竺以積財巨億為長  
者東國稱頭陀為居士楞嚴經注隱居求志行義達道  
名居士又見於禮記韓非子

圖書集成

圖書集成自康熙朝設局編纂諸臣因循未成雍正初

年切責詞臣董督三年書始成蔣廷錫為總裁官

案蔣廷錫

字揚孫江南常熟人康熙癸未進士官至太學士謚文

肅著有青桐軒及秋風片雲諸集卓識長才蒞事精敏

工繪花卉圖書集成不惟部目之整齊其圖畫精妙纖

悉無毫絲差爽以其工畫者看詳恨無編纂諸臣凡幾

人列書凡六彙編三十二典六千一百九部一萬卷又

有目錄四十卷裝成總五千二十冊五百二套其第一

曰曆象彙編乾象典二十一卷歲功典四十三卷曆

法典六十一卷庶徵典五十八卷第二曰方輿彙編坤

輿典二十一卷職方典二百二十三卷山川典四

十一部三百卷邊裔典五百四十二卷第三曰明倫彙編皇

一部三十卷

二十卷

一百四十卷

部

一百四十卷



極典三十一部 宮闕典十五部 官常典六十五部 家

範典三十一部 交誼典二十七部 氏族典九十七部

口口人事典九十七部 閨媛典十七部 第四

博物彙編藝術典四十三部 神異典七十部 禽虫

典三百一十七部 草木典七百二十部 第五曰理學彙編

經籍典六十六部 學行典九十六部 文學典四十九部

卷字學典二十四部 第六曰經濟彙編選舉典二十九部

一百三卷銓衡典十二部 食貨典八十三部 禮儀典

七十部三百卷樂律典四十六部 戎政典三十部 刑

典二十六部 考工典一百五十四部 每部有彙考大事

有年月可記者用編年之體倣綱目立書注于前而以  
按某書某史詳錄于後事經年緯而一事之始末沿革  
展卷可知大事無年可稽與一事一物無關總論其純  
政典者則列經史于前而以子集參互于後總論其主  
正可行者聖經中算詞片句並注疏皆錄以經傳為主  
也子集有全篇語此一事必擇其議論之常者論得其  
當雖詞藻無足圖古人左圖右史如疆域山川圖不可  
取亦在所錄圖缺也即禽獸草木器用之形體往籍  
所有亦可存以備覽觀或一表故事載彙考者皆已編年  
物而諸家圖互異亦并列之表故事載彙考者皆已編年  
宮度紀元等非表列傳凡宮闈官常等藝文詞藻可採  
不能詳者皆立表列傳編皆有列傳等藝文詞藻可採  
錄篇多則擇其精篇少則綴瑜皆所選句近體古風或  
不棄隋唐以前後詳宋以後從畧選句以警拔見賞  
其全篇即無可觀而算詞片語亦不棄况一紀事大者  
時為注句日久遂為故實故有選句之錄一紀事大者  
彙考其瑣細亦有可傳者皆案時雜錄倘引曲喻偶及  
代列正史于前而裨史及子集附雜錄倘引曲喻偶及  
之者則入于雜錄考覈未具難入于藝文者統入于雜錄外  
難入于總論文藻未工難收于藝文者統入于雜錄外



正涼朝

編

大綱入于彙考瑣細入于紀事而百家二氏荒唐難信及寄寓譬托之事臆造之言錄之則無稽棄之又

疑于掛漏故

部中諸目或有不備者闕之蓋以銅字印

之字是正韻體排比整齊今上丙申

命使臣

副使徐浩

修以重價購之改裝演貯于皆有窩庚子春

命檢書

臣李德懋柳得恭朴齊家徐理修騰抄部目各係于冊

將使工書者題之凡四十日紇抄後又

命尚衣主簿

臣曹允亨題冊名寫字官題部目德懋戊戌遊燕市於

書坊得見圖書集成散帙者如獲吉光片羽詫以為奇

觀今奉聖旨手自繕閱五千餘冊真不負平生之眼

乾隆甲午始輯四庫全書開獻書之路於是浙江鮑士

恭范懋柱汪啓淑兩淮馬裕四家獻書至五六七百種  
因賜內府所藏圖書集成各一部以為好古之勸士人  
藏此書者凡四家自漢唐以來藏書家所罕遇之盛事  
也中國富商購圖書集成三部輸于日本長崎島一部  
在長崎官庫二部入江戸亦異聞也

### 僧齋

麗俗祖先忌日必設齋飯僧比陋俗也今俗則下賤之  
人或稱忌日為僧齋然有其名而無其實也四佳集徐  
正曰正月初九日外祖忌辰與權右相三昆季同往開  
菴寺設齋云外祖即權陽材近也此四佳之世猶有其



俗也

經解目

徐乾學

字原一崑山人康熙庚戌進士官刑部尚書著憺園集

序略曰秀水朱竹垞

朱彝尊字錫鬯秀水人康熙已未試博學鴻詞官檢討著曝書樓集

顧炎武

博雅稱許論予書策莫繁於今日而古籍漸替若經

解塵有存者彌當珍惜矣予喟曰嘗攷史志所載經解

諸家自漢迄隋暨唐失去過半自隋唐迄宋元明彌多

闕廢明興勅天下學校皆宗程朱之學永樂時詔輯四

書五經性理大全徵海內名士開館東華門御府給筆

札是時胡廣諸大臣虛糜廩餼叨冒遷費四書大全則

本倪士毅通義大成詩則襲劉瑾通釋春秋則襲注克  
寬纂疏勦竊抄撮苟以塞責而已詔旨頒行末學後生  
奉為寶書予感竹垞之言深懼今時所存十百之一又  
復論數責在後死因悉予兄弟家所藏本而覆加校勘  
更假秀水曹秋岳無錫秦對岩常熟錢導王毛斧季溫  
陵黃俞邵及竹垞家藏舊板書若鈔本釐擇是正總若  
千種謀離板行世門人納蘭容若案納蘭氏名成德容若字也尤慙  
愚是舉捐金倡始始於康熙癸丑踰二年迄壬子奇齡  
字大可蕭山人康熙己未試博學鴻詞官檢討著  
西河集湛深經學攻擊朱子所以不得為醇儒論語  
稽求錄序曰羣儒別解不襲章句有裨聖學者特頒上



諭使搜輯呈進凡若干本而待衛成德校刻經解數萬

卷德懋案經解凡一百四十四種一千七百七十五卷

五百冊與毛說數萬卷相左又如毛說則已經皇帝呈

進後入梓矣戊戌沈涵齋念祖使燕購來今藏于大內

皆有窩余嘗繙閱錄其目○易凡四十四種子夏易傳

十一卷周卜易數鉤隱圖三卷附遺論九事一卷宋劉牧

橫渠易說三卷宋張載易學一卷宋王湜紫岩易傳十卷宋張

浚漢上易傳十一卷附卦圖三卷叢說一卷宋朱易璇

機三卷宋吳沆周易義海撮要十二卷宋李易小傳六卷

宋沈復齋易說六卷宋趙彥肅古周易一卷宋呂祖謙童溪易傳

三十卷

宋王宗傳

周易禪傳二卷

宋林至

易圖說三卷

宋吳易

學啓蒙通釋二卷

宋胡方平

周易玩辭十六卷

宋項安世

東谷易

翼傳二卷

宋趙汝諧

三易備遺十卷

宋朱元昇

丙子學易編一卷

宋李心傳

易學啓蒙小傳一卷

宋吳其權

水材易鏡一卷

宋林光世

公易說二十三卷

宋朱鑑

周易輯說十卷

宋王申子

周易輯聞

六卷附易雅一卷筮宗一卷

宋趙汝樸

周易傳義附錄十四

卷

宋董楷

學易記九卷

元李簡

讀易私言一卷

元許衡

大易集

說十卷

元俞琰

周易本義附錄纂註十五卷

元胡桂一

周易啓

蒙翼傳三卷外編一卷

元胡桂一

周易本義通釋十二卷

元胡

文炳

易纂言十三卷

元吳澄

周易本義集成十二卷

元熊良輔

周



易會通十四卷元董真卿易圖通變五卷元雷思齊易象圖說三

卷元張理大易象數鉤深圖三卷元梁寅合訂刪補大易粹

言八十卷成德編○書凡十九種古文訓十六卷宋薛季宣尚

書全解四十卷宋林之奇○原禹貢論四卷宋程大昌尚書

說七卷宋黃度增修東萊書說三十五卷宋時書疑九卷

宋王栢書集傳或問二卷宋陳大猷禹貢集解二卷宋傅尚書

詳解十三卷宋胡士行尚書表註二卷元金履祥尚書纂傳四十

六卷元王天與書傳六卷元董鼎書纂言四卷元吳澄書蔡傳旁

通六卷元陳師凱尚書句解十三卷元朱祖義尚書傳纂疏六卷

元陳櫟尚書通攷十卷元黃鎮成讀書管見元王充耘定正洪範一

卷

元胡一中

○詩凡十二種毛詩指說一卷

唐成

毛詩本義

十五卷附鄭氏詩譜一卷

宋歐陽修

毛詩集解四十二卷

宋李

樗黃

毛詩名物解二十卷

宋蔡元度

詩說一卷

宋張

詩說二

卷

宋王柏

詩傳遺說六卷

宋朱鑑

逸齋詩補傳三十卷

宋人失名

毛詩名物鈔八卷

元許謙

詩經穀問七卷

元朱倬

毛詩解頤

四卷

明朱善

○三禮凡十二種三禮圖二十卷

宋聶崇義周禮

訂義八十卷

宋王典之

考工記解二卷

宋林希

儀禮圖十七卷

宋楊復

禮記集說一百六十卷

宋衛湜

禮經會元四卷

宋葉特

太平經國之書十一卷

宋鄭伯謙

夏小正解四卷

宋傅宏知儀禮

集說十七卷

元教繼公

儀禮逸經傳一卷

元澄

經禮補逸九卷



元汪禮記陳氏集說補正三十八卷成德撰○春秋凡三十三種春秋尊

王發微十二卷宋孫復春秋皇綱論五卷宋王哲春秋傳十五卷

宋劉敞春秋權衡十七卷宋劉敞春秋意林二卷宋劉敞春秋名

號歸一圖二卷宋馮繼先春秋列國臣傳三十卷宋王當春秋本例

二十卷宋雍子方春秋經筌十六卷宋趙鵬飛石林春秋傳二十卷

宋葉夢得春秋後傳十二卷宋陳傅良春秋集解三十卷宋呂祖謙春

秋左氏傳說二十卷宋呂祖謙春秋左氏傳事類始末五卷宋章

冲春秋提綱十卷宋陳則通春秋五伯列國世紀編三卷宋李春琪

秋通說十二卷宋黃仲炎春秋集注十一卷宋張洽春秋或問二十卷

宋呂大圭春秋玉論一卷宋呂大圭春秋詳說三十卷宋呂鉉翁春秋

類對賦一卷

宋徐

春秋諸國統紀六卷

元齊履謙

春秋本義

三十卷

元程端學

春秋或問十卷

元程端學

春秋集傳十五卷

元趙

春秋屬辭十五卷

元趙汭

春秋師說三卷

元趙汭

春秋左氏

傳補注十卷

元趙汭

春秋諸傳會通二十四卷

元李廌

春秋

集傳釋義大成十二卷

元俞

讀春秋編十二卷

元陳

春

王正月考二卷

明張以寧

孝經凡四種孝經注解一卷

唐

宋宋司馬光范祖禹

孝經大義一卷

元董鼎

孝經定本一卷

元吳

孝

經句解一卷

元朱申

論語凡二種南軒論語解十卷

宋

秋論語集說十卷

宋蔡節

孟子凡三種南軒孟子說七卷

宋張

孟子集疏十四卷

宋蔡模

孟子音義二卷

宋孫

○四



書凡八種四書纂疏二十六卷宋趙順孫四書集編二十六卷

卷宋真德秀四書通二十六卷元胡炳文四書通證六卷元張存中四

書纂箋二十六卷元虞道傳四書通旨六卷元朱公遷四書辨疑

十五卷元人失名學庸啓蒙一卷元景星○總經解凡七種經

典釋文三十卷唐陸德明七經小傳三卷宋劉敞六經奧論六

卷宋鄭樵六經正誤六卷宋毛居正經說七卷宋熊朋來十一經問

對五卷缺何異孫五經彙測六卷明蔣悌臣

凡

法苑珠林叙佛之初生云開凡字於曾前攝千輪於足

下楞嚴經要解佛膏有凡字表吉祥萬德所集案吾子衍不識

出字 華嚴經音義 本非字大周長壽二年主上案則天

權制此文著于天樞音萬案萬東國音六書精蘊 卅數

之窮也 古人取二一字鼓動之始自一起反一而終循

環無窮往復相通案張自烈駁之曰今俗借萬為卅不識萬為蠡王也楊桓周伯琦周謀墀

皆謂萬古作卅俗作万案華嚴音義云云據此說諸家凡萬字必作卅並非○案說文萬虫也篆作蠡象形埤

雅蜂一名萬蓋蜂類象多動以萬計明詩綜項珮字吹聆秀水人處士具

統持之室有詩此下夫子書屋落成闡干皆用卅字案

字取吉祥之義其福壽字並行凡遂名曰卅齋屬賦四

十字此止天子愛奇字迴闡繚繞之一時齊作卅三點

不成案朱竹垞曰或疑卅字韻書不收然三點成樹



色春浮並齋居繡佛宜定知人載酒送喜有芻尼

案宋竹垞

曰所題于齋取方廣胸前字以為曲欄卿人題字彙補

孔字注曰萬字如來曾有吉祥文即此

案孔與于字不同而義則同或

轉論而然歟高麗詩僧夷堅丁志言蔡京死後四十二

年遷葬皮肉消化已盡獨心骨上隱起一于字高二分

許如鐫刻所就

### 天兵譏東國

安牛山

邦俊

白沙雜著論辨曰壬辰天兵最下者題義州

別館曰亡國大夫朝王食東征將士日午飢蓋譏之也

庚子正月李提督如松碑文有曰壬辰十二月二十五

日渡江以來體察使朝鮮國首臣柳成龍尹斗壽等不  
以卧薪嘗膽為心雪恥除凶注念宴安私家恣酒自樂  
非惟藐慢天朝抑且欺國王悖禮蔑教殆有甚焉

所錄止此

嗚呼當時諸公何以得此聲於上國蓋誣說也明

史亦曰朝鮮實懦無讐報意此亦近誣又案明史萬曆  
二十九年兵部覆奏經督條陳七事其略曰麗人驚悍  
耐寒苦而長衫大袖訓練無方宜以東征之法教之朝  
鮮八道十九無城皆應修築屯聚以備不虞朝鮮俗貴  
世官賤世役一切禁錮往往走倭走虜為本國患宜破  
格搜採此皆切中我國之病



宣廟朝人材

宣廟甲戌柳眉宸

春希

為副提學栗谷先生為直提學兵

德溪

健

為典翰金東崗

顯

為修撰洪荷衣

迪

為著作李

敬

中為正字時人語曰玉堂賢人聚壬寅詔使顧

天

俊

崔

出來李月沙

庭

為遠接使朴南郭

東

李東岳

安

洪鶴谷

瑞

為從事官車五山

輅

權石洲

鐸

金南窓

玄

為製述官

寫下脫寫字

韓石峯

漢

以寫字亦在行李芝峯

粹

差都司宣慰使

後

迎慰

蓋極一時之選

生時刊行文集

中國之俗著書刊行當世不必待身後入梓我國則雖

宏儒不惟不得刊行於生時若或精寫冊子則人必嘲笑曰此生文集也亦或不敢題某集必曰漫艸漫錄此陋也非謙也集者合也合吾之詩文故曰集雖劣詩拙文既書於冊則都是集也行嫌何畏而不敢稱集哉然中原近俗粗記姓名則裨販之徒莫不有集雕版令人歐哇災梨禍棗於斯極矣東人亦有生時刻集者牧隱集曰羅判書將刊其中順堂集於尚州托書於僕以求速成甚矣其嗜詩而欲其傳於世也仍贈詩曰佳句儒

林誦高標海國知願公宜用力叢錄近來稀

案羅判書即與儒也

羅州人自號錦南迂叟屢舉不第上書請使日本恭愍王大集拜判典密寺事遣之日本入因于太宰府與儒



此張錯在上當在下

木氏苗氏

北史百濟大姓八族沙燕真鮮骨木註  
萬姓統譜上谷百濟八姓其一曰真漢真

三祐太尉長史真欽太醫令真玄菟善箕○案茹北史以  
力作弱音協萬姓統譜少三刁作弱音黎未知孰是

熊考字書有三刀之弱無三刁之弱三刀者音黎則恐  
謫為三刁苗音北史北下曰作苗萬姓統譜以水下白

作苗苗音舊苗音白韻會曰門氏氏族書門恩明仁川  
百濟有苗氏則當從以水下白

牙氏

氏族書牙應時明宗時中郎將賓氏氏族書賓于光壽城人魁科  
又中制科翰林學士筆法名

世豐氏

氏族書豐順之靖異氏氏族書顯宗時左僕射僧氏氏  
宗時監察御史

書僧牛本高宗

太氏氏族書太集咸簡氏氏族書簡有  
時都領令史

中郎秋氏

氏族書秋通忠凡氏氏族書凡永富辛智氏  
烈王時左司諫

氏族書智蔡文鳳州

夜氏氏族書夜先旦忠昕氏氏族  
人顯宗時右僕射

王諱從母姓為權氏官檢校禮賓卿○案通避志穆

迎臣醴川人高麗戶長保勝別將至五世孫還避志穆  
王諱從母姓為權氏官檢校禮賓卿○案通避志穆

五福五  
世祖也

三尊譜錄

三尊譜錄

道家書

第一度師上玄真明道君法姓查諱翕

字堯第二度師无上玄老法姓查諱柰字燾第三度師

金明七真法姓奎諱薰字翕據此製字命名則知其術

之荒誕怪妄矣

玃

述異記

案撰者只稱東軒主人

東海有獸名玃

案集韻音吼

似食人

能

食龍腦

康熙廿五年夏平陽縣玃從海中逐龍至空中

聞三日三蛟二龍合聞一玃殺一龍二蛟玃亦隨斃俱

聞三日三蛟二龍合聞一玃殺一龍二蛟玃亦隨斃俱



此張錯柱下當在上

紹曰吾年百有五十有神  
術日本入以為信然放還  
芝峯類說曰前朝李奎報  
本朝徐居正姜希孟集及其生特印行于世

### 僧伽寺石像

三角山僧伽寺石窟有石像顏如老嫗蒙頭之物恰如  
儒家幅巾背有石障若蓮花後刻太平四年甲子崇高  
麗史顯宗十五年甲子行契丹年號即聖宗隆緒太平  
四年而宋仁宗天聖二年也距今庚子十三甲子揔八  
百十七年輿地勝覽此為秀台道人像

### 羅勾濟麗奇姓

叔氏

東國通鑑新羅哀莊王母叔氏奈勿王十三世  
孫金叔明之女也嫺於同姓以父名叔為氏貞

小注泉字下  
當更考初本

氏東國通鑑新羅大室氏東國通鑑高勾麗大武神王十五年賜沸流部長鄒穀素

姓大松氏東國通鑑高勾麗松讓女克氏東國通鑑高勾麗朱蒙賜麻衣

再思姓仲室氏東國通鑑高勾麗朱蒙少室氏東國通鑑高勾麗

嚴朱蒙賜藻衣東國通鑑高勾麗大武神王五年

默居姓少室氏東國通鑑高勾麗大武神王五年

緣部以其背有禮氏東國通鑑高勾麗始祖乙支氏東國通鑑高勾麗

通鑑高勾麗嬰湯泉氏東國通鑑高勾麗泉朱氏雉氏

王時有乙支文德東國通鑑高勾麗瑠璃北氏萬姓統譜北高麗姓也正

高句麗以先氏萬姓統譜似先氏本高麗遺種唐武扶

餘氏東國通鑑扶餘氏百濟姓以系與高勾麗同出扶

黑齒氏萬姓統譜黑齒沙氏燕氏房氏真氏解氏骨氏

萬姓統譜黑齒  
常之百濟西都人



墮山谷其中一物長一二丈形類馬有鱗鬣火光猶燭  
起丈餘蓋吼也康熙癸酉六月仁和阜亭山中驟雨大  
風有龍與吼聞龍吐水電吼吐火在黑雲中一一可辨  
吼如獅子所過之樹俱焦毀竹窓小品撰人侯考小獸名曰  
吼案述異記作吼竹窓形類兔兩耳尖長獅作威時牽  
吼視之獅畏伏不敢動吼作溺著其體肉即腐爛吼又  
畏雄鴻二引阮高鳴吼即畏伏吼即我國所謂強鐵也  
諺云強鐵之臻秋亦春所居必大旱年山金浦郡有強  
鐵隱於藪中年之旱荒郡民逐之狀如駒兔騰空中入  
於海波清洶盪蓋化龍而未成者名曰強鐵也

穆天子傳奇字

穆天子傳多奇字太半音意未考而諸本間有點畫異

同者今略記之○際古陵字西王母○繇天子北遊于

璉天子賜○遷至于積山之○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤

璣璣瑤○璣璣瑤○璣璣瑤○璣璣瑤○璣璣瑤



箇造父為御一為右音泰丙列子作箇箇注箇即齊

齊並非淮南子鉗且秦丙之御高誘注二人各善御者

即商商也唐武宗召王起曰朕近見二字一乃一房莫

能詳對曰臣于三教經典竊嘗徧覽焉房二字羣書未

見周穆王傳有饔商二字往昔儒宗但言古馬名于今

未有詳之者也上笑曰知卿宿學寓為此二字相試耳

據此說商又當作饔王世貞作饔門引穆天子傳又作

箇箇鳥疏略記字始載穆天子傳難字又作箇箇皆謫

文也應以為張說謔洽而但所引箇作箇取馬氏所引

可○饔白鵠之血○箇銀木○饔遂絕○穀穀○穀至

疑○饔白鵠之血○箇銀木○饔遂絕○穀穀○穀至

河之水字○饔爰有○箇之○穀至○穀至

乃歌○饔命歌南山有○房乃宿于○箇

乃周姑繇之水以○房案此即房字○箇

園宅車是曰一車

董圭峯

魏禮寧都先賢傳略曰董越字尚矩少孤貧竭力以奉  
母成化乙丑進士授翰林院編修進侍讀充東宮講官  
孝宗登極進春坊右庶子賜麒麟服頒朔朝鮮餽贈一無  
所受朝鮮歲使至必問越起居焉憲宗實錄成擢太常  
少卿拜南工部尚書卒謚文僊越風采凝重言動有則  
樂道人之善不輕許可恥銜能以形人短而不忘規箴  
寡嗜欲敦儉素祿入恒以恤宗族及知交之貧者著圭  
峯文集使東日錄讀此可知圭峯之為賢士大夫成  
宗二十三年弘治戊子與工科右給事中王敞來頒詔



成慵齋

現

時為平安監司迎送接待記其酬答而載於

叢話者和易之儀款洽之詞可謂昭代勝事今不可復

見且其所記委悉可玩故錄之董侍講王給事之來余

為平安監司迎命於安州侍講到平壤黌堂見宣尼土

像曰與中朝一般館伴許陽川

案許孫為館伴

曰土像有類浮

屠故王城泮宮用位版侍講曰此良法也又至檀君廟

見東明王位版曰此漢人也又至箕子廟摩泮碑碣高

聲讀曰佳作也恨無庇雨之閣也又至其墓迴瑩城

遂作吊詞慷慨不已泛舟大同江與陽川論江山之勝

是時微雨余請留侍講曰王事有程不可留也朗吟東

坡淡粧濃抹搃相宜之句余指浮碧樓曰彼亦前賢所  
遊之地願陪大人一登侍講欣然從之登樓四顧曰風  
景無雙適雨歇侍講曰主人欲留客則雨客欲行則晴  
天意若知賓主之情相損而去及竣事而還也余奉兩  
使順流而下漁人布網得魚兩使歡甚遂貯盆中而玩  
之仍令促膾曰鮮美無右虞人捕雉而來侍講手撫而  
嗅之曰吾欲放子路之共放雉於林間曰任汝飛去至  
南湖登小樓而懸虞人又捕麋而至侍講繫麋於百步  
樹令武士射之中則拍手大笑給事曰君子遠庖厨侍  
講曰牛馬有益於人不忍殺麋鹿無益於人殺之何害



見故都市井曰此是何處余荅曰此箕子遺墟井田之處余潛令人奏絲管於村落間待講曰此何聲余曰自箕子蒞治遺風未殄余之尚絃誦也待講曰真禮義之邦也見路上婦人曰無乃州官妻乎余曰此是城中娼妓州官皆士族閨閣有範豈出於路乎給事曰早知如此當縱目觀矣至風月樓臨池歎賞曰最是佳處雖中朝罕有如此余請樓記待講曰主人隨我遠行則當製呈余不得已行至安州而送之待講作記贈余兩使於路上見峯巒皆間其名若遇奇岩怪樹必駐馬吟賞花草稍有妍美者必把而玩之待人溫謹若問中朝之事悉

陳無隱侍講詩文俱清贍筆憑晉蹟給事詩興書亦皆  
豪宕一雙連璧也

晉書唐畫真蹟

羲之曹娥碑真蹟及快雪時晴帖在內府康熙御題跋從郎

溫勤公家觀唐吳道子白描十八應真圖絹素糜爛無

數寸完即公以白金數百兩購善手裝潢李紱牧堂集

晉唐書畫真蹟之在近代者惟此而已

二氏悔聖

道家以孔子為太極上真公釋氏以孔子為儒童菩薩  
異端之悔聖可謂無忌憚之甚矣



易服之令

我朝有從華製之機凡三次而俱未行是為千古之浩

歎今條列 太宗世宗宣祖時事朱溪右深源醒狂遺稿

上疏曰似是成宗朝辛禡十三年鄭夢周建議革胡服有官

職者著紗帽成均生負及京外學生著平頂頭巾及至

我 太宗朝儒生冠服依朝廷指册國子監生例今聞

有復於 殿下者曰請令儒者於街路著頭巾加青衿

以行意者中問太 殿下初既許之俄而更令曰加青

衿而已不許頭巾然則身可為儒而頭不可為儒歟東

閣雜記李廷世宗朝禮曹判書許稠案此時有曰昔

督撫

更張之議

太宗欲本國女服悉從華服臣啓曰臣昔赴京過闕里

見孔子家廟女服畫像其本國無異案我國女服乃蒙古之製所謂闕里

之像元時所畫如金時中國文宣王廟塑像皆易以左衽明初往往有因循未改許相之闕里所見亦猶是也

但首飾異耳事竟不行癸巳日錄尹卓然撰六月初二日禮

曹啓目案自從華製傳教上已有上自大天下至賤庶皆欲慕華

製衣帽之制先為磨鍊施行此案用華變俗之盛意屬

從臣民當急之不變聳動四方近因山陵之慶改葬

間白衣從事亦已行移八道即吉時衣帽並為舉行全

戶曹量宜給青藍三升即毛布起送縫造人於經略衙門

各樣造成而難覓冠帽則今此聖節行次付送價物



賀來何如傳曰我國每事虛文唐官每笑其寬袍大

袖頭戴大帽劉元負恐有至移咨請革改但唐制上下

人負官服外戎服及裏衣皆窄袖禁軍以下公私賤皆

著小帽毋得著笠若著氈笠則勿禁事更為磨鍊施行

又傳曰裁小帽去濶袖一從唐制惟邊上及禁軍等

許著毛笠案此時雖下此令而庶民皆不願之至出門

日月燈誤解寅申

朋呂維祺案字介儒新安人萬曆進士官兵部尚書講

遇著音韻日月燈訂卷字曰淮南子有高卷下卷之文

高誘注高卷時如戌民雄卷時也愚謂高卷者寅時也

下脊者申時也寅申二字從臼故云云余謂呂氏專不  
讀說文寅申俱從臼不從臼也案詩詁曰兩手  
臼臼集韻音拳又手也說文兩體也正月陽氣  
動去黃泉欲上出陰尚彊也象門不達體寅於  
下也徐曰體擯斥之意人陽氣上銳而出闕於  
門也臼承擯也象形又說文申神也七月陰氣  
成自申束從臼自持也吏以舖時申旦政也

### 人有十八竅

人之身現於外者大凡有九竅曰眼二鼻二  
口一耳二前陰後陰也然細究之為十八竅九



竅之外眼之淚竅二口之喉咽廉泉各一

案宋崇寧

時剖羣盜歐布範等三十人見喉嚨中非三竅曰水曰人良曰氣此言未必然

廉泉即舌下

湧津處漶漶非一竅二乳一臍前陰之精竅

也

### 墨翟有將材

墨翟

周亮工曰墨子姓翟母夢烏而生因名之曰烏以墨為道今以姓為名以墨為姓是老子當姓老耳

以兼愛得罪於儒門然其人却有用匪如莊列之荒唐

蘧張之辯說無所用於家國也呂氏春秋公輸般

墨子公輸

篇般為雲梯設攻宋之械墨子設守宋之備九攻之

墨子九却之不能入

案墨子公輸篇公輸盤為楚造雲梯將以攻宋墨子見公輸盤解帶為城

以勝為械公輸盤九設攻城之機變墨子九辟之公輸  
盤之攻城盡墨子守圍有公輸盤詰而曰吾知所以辟  
子矣墨子亦曰吾知子之所以辟我楚王問其故墨子  
曰公輸子之意不過欲殺臣殺臣宋莫能守可攻也然  
臣之弟子禽滑釐等三百人已持臣守圍之器在宋城  
上而待楚寇矣雖殺臣不能絕也楚王曰善哉吾請無  
攻宋

韓非子墨子用咫尺之木不費一朝之事而引三

十石之重

案墨子公輸篇須臾留三寸之木而任五十石之重

淮南子墨子服役

者百八十人皆可使赴火蹈刃死不還踵化之所致也

案呂氏春秋墨者孟勝善荆之陽城君走孟勝死弟子死之者百八十說苑墨子曰夏

禹卑小宮室損薄飲食土階三等衣裳細布當此之時

黻無所用而務在於完堅夫品庶非有心也以人主為

心為上不為下惡用之

案淮南子墨子學儒者之業受孔子之術以為其禮煩擾而不



託厚葬靡財而貧民傷生而害事故背周道而用夏政茂考諸說則翟有才智堪為將帥而能得人之死力匪大過人之資惡能至此其學惡厚子葬背周禮也尚鬼神從夏道也蓋矯枉過直而流弊極於門徒故孟子之斥不得已也

### 高麗磬

世宗朝南陽出石磬海州產柷黍以定樂律世稱盛世之瑞應然高麗磬已有名於宋朝高麗時南陽已產磬材而中間廢絕至世宗朝復出歟抑亦麗時有別處產磬之地歟今錄高麗磬一段揮麈錄宋王明清撰曰元祐初楊康功使高麗別禁從諸公問以所委皆不荅獨磬

元度曰高麗磬甚佳歸日煩為置一口不久康功言還  
遂以磬及奇巧之物遺元度宅人不及也或問之康功  
笑曰僕之渡海也諸公悉以謂沒於巨浸不復見獨  
元度之心猶冀我之生還吾聊以報其意耳

隸古定

孔安國尚書序魯共王壞孔子舊宅於壁中得古文虞  
夏商周之書及傳論語孝經皆科斗文字科斗書廢已  
久時人無能知者以所聞伏生之書考論文義定其可  
知者為隸古定更以竹簡寫之張潮曰案先君雲谷卧  
餘云孔安國尚書序為隸古定殊不可曉定字當是字字



之論言既以其所知者為隸其古字則更以竹簡寫之也  
張顓石經跋曰蔡邕本傳稱邕自書冊于碑不言為何  
體書今世所傳皆以隸體至儒林傳序則云為古文篆  
隸三體書法以相參檢注言古文謂孔氏壁中書以續  
考之孔壁所藏皆科斗文孔安國當武帝之世已稱科斗  
書無能知者其承詔作傳為隸古定不復從科斗古文  
邕獨安能具三體書法於安國之後二百餘年哉谿谷  
漫筆張維曰隸者隸書古者科斗古文也孔壁書是科  
斗字故今以隸書寫古文而兼存隸古兩體以定其文  
猶後世真草千字之體也德懋案三張之說其以定字

為字字雖未可贊言而意頗明白以篆體見之字固相近  
未為不可其曰為隸古定不復從科斗古文云者隸古  
定三字中古字無下落處語甚點點谿谷說近於雲谷而  
小異

權臣多藏書畫

賈似道蘭亭石刻多至八千匣嚴嵩所藏畫計三千二  
百權臣之托文雅而逞貪欲其揆一也

畚畷

我國以水田為畚音畚松溪漫錄權應仁撰畚字東人所辨  
昔人有咏迨豐地狹者曰牛卧難尋畚鴻飛不見天詞



意俱新而以畚為疵不編於詩選云案畚有橫結龍龕  
載畝音泉而無義日本人以耕麥地為畠其貴臣有畠  
山殿之號世謂日本之初造而字彙補補古文皇字曰  
本僧良安尚順著倭漢三才畠會以為字書無畠字倭名抄日本  
書載續搜神記云江南畠種豈又名曠耕麥地也

日子


日子見於漢末文選曹公檄吳將校部曲文年月朔日  
子注穀檄時也

青莊館全書卷之五十七

己巳秋典牲署  
書負朴孝彬書













3243

書金館

